

M346: Freiburger Urkunden (1284-1298)

- 1,1 . wir Grave Egen von Friburg / kuinden allen die disen brief sehint / oder
hoerint lesen / das wir haben erlovbit Burchart
- 1,2 dem Tvrner / Heinrich wolleben / Cvonrat Ederlin / Meister Cvonrat
Rotermellin / vn- allen iren gesellen ze den
- 1,3 Silberbergen ze Sukendal / vn- ze des Herzogen berge / vn- allen die die
selben berge buwent / vn- iren erben / das si
- 1,4 einen graben mit wasser ze den selben bergen vueren viber des Gottishus
guot von Sante peter / vn- viber ellvi dvi
- 1,5 guot da wir vogit viber sin / vn- da wir gewaltig sin / nah ir willen / vn-
alse vil so si beduirfen / vn- her viber ze einem
- 1,6 vrkuinde so geben wir in disen brief mit vnserm Jngesigel besigelt . vn-
geschach dis ding / vn- wart dirre brief
- 1,7 gegeben do man zalte von gottis gebuirte zwelf hundirt / ahzig / vn- vier /
jar / an dem nehisten zistage
- 1,8 nah Sante walpurge tage .
- 2,1 . allen die disen brief sehint / oder hoerint lesen / sol kunt sin das wir Hesse
/ vn- Ruodolf herren von vesenberg / vn- Hug hern Johannes Bitterolfes
sun ein burger
- 2,2 von friburg sin komen viberein alsus . wir han ime gegeben ze kovfende
vmbe sehzig marche silbers . des geweges von friburg / vnsern hof ze Eistat
da
- 2,3 der von Husen vffe sizzet / vn- alle die akker / matta / vn- holz die in den
hof hoerint / da von er vns vnze har het gegeben Jergelich zinses vier vn-
ahzig mutte kornes / des ist sehs vn- zwenzig mutte roggen / sehzeihen
weizen / Nvine gerstun / vn- drie vn- drissig habern / vs disem hove vn- vs
disem
- 2,5 kovfe han wir genomen / vn- nemen mit namen der kilchun satz ze Eistat
/ schuz / vn- ban / das der drier enheines in disen hof sol hoerin / noch in
disen
- 2,6 kovf ist gevallen / noch benemmet Disen hof alse hie vor geschriben ist
geben wir ime vuir lidig eigen / vn- sin des sin wer nah rehte / vn- sin ovch
des vor /
- 2,7 genanten silbers von ime gewert . Jst ovch das wir Hugen / oder sine- erben
ob er en were / hinnan ze der liehtmes so nu nehiste kumet / vn- dar nah
in

- 2,8 den nehisten sehs Jaren / also guotes / vn- also vil geltes so der vor genante
hof gildet / erweisen / vn- geben / in einem anderm hove ze Eistat / oder
von
- 2,9 Eistat vf vor Merdinger berge vnze an Crozingen / vn- in Crozingen / vn-
von Crozingen abe vnze an Tenzelingen dischhalb des Swarzwaldes / vn- von
- 2,10 Tenzelingen / vmbe den Reitenberg / wider unze an Eistat / in dem Creize
/ in einem dorfe / vn- in einem hove ane geverde / so sol er vns den selben
hof
- 2,11 wider lassen / vn- wider geben ane widerrede . vn- swas des nuzzes denne
vf dem hove ist / wellen wir den nemen / so sviln wir huge / oder sinen
- 2,12 erben also vil da vuir geben vf dem guote das wir ime vuir den hof geben /
ane geverde / vn- beschehe ovch das / das wir / vn- hug / oder sine erben /
ob er
- 2,13 en were missehelle wurden / das in / oder svi / das guot das wir inen wolten
geben / nuit volle guot dvihte gegen dem vor genanten gelte / dar vmbe sviln
- 2,14 wir beidinthalb tuon / vn- gehorsam sin / swas vns heissent vf ir eit her
Cvonrat kolman / vn- her Burchart der Tvrner von Friburg . Stirbet der
deweder
- 2,15 oder beide in dem vor genanten zile / so sviln wir / vn- Hug / oder sine
erben einen / oder zwene also erebere vn- also gemeine / an ir stat nemen
- 2,16 ze Friburg in der stat / ane geverde / vn- ane vuirzog / so wir des einander
ermanen / den sviln wir des selben gehorsam sin also da vor geschriben
- 2,17 ist . Har viber ze einem vrkuinde / vn- ze einer hantvesti geben wir huge
disen brief mit vnser beider Jngesigeln besigelt . Dis geschach vn-
- 2,18 wart dirre brief gegeben / do man zalte von gottis geburte zwelf hundirt /
ahzig / vn- vier jar / an dem nehisten fritage vor sante Gallen
- 2,19 tage / Har ane waren / gezvige / Her Johannes kozze kilcherre von Buochein
/ Her Dietrich von Tviselingen / Her Hug von Mvnzingen / Her
- 2,20 Cvonrat kozze / Her Cvonrat sin bruoder / Her Cvonrat Snewili / vn- her
Johannes sin bruoder / Ritter / vn- ander erebere luite .
- 3,1 . alle die disen brief sehint / oder hoerint lesen / die sviln das wissen das
her Heinrich von Tottikouen vnde her arnolt werre
- 3,2 Frideriches seligen von Tottikouen kinde nehisten mage / an der selben
kinde stat / vnde fro katherine der kinde muoter
- 3,3 hant verluihen hern Cuonrat Sleggellin vnde allen sinen erben das hus das
hern Ruodolfes des Haldenden was / das hinder
- 3,4 hus ganzes / vnde des vordern huses das vierteil / vnde alles das zvo hoerit
/ ze rehtem erbe iemerme Jergeliche
- 3,5 vmbe drvi phvnt phenninge brisgere zinses / vnde sol man den zins
Jergeliche geben ze sante Johannes mes ze svinegihten /
- 3,6 halben / vnde ze winnahten den andern halben / vnde swenne sich das guot
endert so git man zwei Hvenre ze erschaze
- 3,7 vnde ist dis ding geschehen vnde gevertigot ze friburg vnder der lovben /
an offenem gerihte / mit rehter vrteilde
- 3,8 also da reht vnde gewonheit ist / Har viber ze einem vrkuinde ist dirre brief
mit der stette ze friburg Jngesigel

- 3,9 besigelt . vnde geschach dis ding / vnde wart dirre brief gegeben do man
zalte von gottis gebuirte zwelf hundirt
- 3,10 ahzig / vnde sehs / Jar / an der nehisten Mittechen nah sante Gleris tage .
Hie bi waren gezuige . Her Johannes
- 3,11 Snewili . her Ruodolf der Rintkovfe / Her Hug von Crozingen / Ritter /
herman wissilberli / Goetfrid von Herdern /
- 3,12 her Cvonrat der Havener / Buirgi von Tottikouen / Johannes slegelli / vnde
ander erebere luite genuoge /
- 4,1 . wir Marcgrave Heinrich von Hahperg / kvinden allen die disen brief sehint
/ oder hoerint lesen / das wir die eigenschaft
- 4,2 vnde alles das reht das wir hatten / an dem gelte das her Brvnwart von
Ovghein ein ritter hatte vs der frowen von
- 4,3 adelnhvsen hove ze Grishein / Jergeliche / das er von vns ze lehen hatte /
han gegeben / vnde geben mit disem brieve
- 4,4 eigenliche / vnde lidecliche / den selben frowen / vnde dem closter ze
adelnhusen / vnde verzihen vns der selben eigen/schafte /
- 4,5 vnde alles des rehtes das wir hatten / oder han mohten / an dem selben
gelte / vnde han wir dis ding getan
- 4,6 durh got vnde durh vnser sele willen / Har viber ze einem vrkuinde geben
wir den vor genanten frowen vnde
- 4,7 dem closter ze adelnhusen disen brief mit vnserme Jngesigel besigelt / Dis
ding geschach vnde wart dirre
- 4,8 brief gegeben do man zalte von gottis gebuirte zwelf hvndirt / ahzig / vnde
sehs / Jar / an sante Lavrencien
- 4,9 abende / Hie bi waren / Her Johannes herre von Swarzenberg / Heinrich
vnser svn der elteste / Her Johannes
- 4,10 der amman ein ritter / Brvoder Heinrich von Rotwil / Brvoder Boemvnt /
vnde ander genvoge .
- 5,1 . allen die disen brief sehent / oder hoerent lesen / kuinden wir . Her
Cvonrat von der Eiche / ein ritter / voget willeheln /
- 5,2 von Schuttertal / vn- Johannes von Heinwiler / das wir mit miner wirtinne
des selben Johannes / fron Mehthilde /
- 5,3 wissende / vn- willen / han verlvihen das hvs das da lit ze Friburg / in der
stat bi der watlovben / nebet dem hvse das
- 5,4 da heizet ze dem Swerte / das mir Johannese ze erbe wart von minem vatter
seligen / vn- mich an hoeret / Jacobe
- 5,5 dem Seiler / einem schroeter ze Friburg / vn- sinen erben / iemerme ze
rehtem erbe / vmbe vuinf phvnt phenninge
- 5,6 brisger / zinses / Jergeliche / ze sante Johannes mes ze Svinegihten / ze
gebende / vn- swenne es sich endirt / so git
- 5,7 man zwenne kappen ze erschazze / Har viber ze einem vrkuinde ist dirre
brief mit der stette ze friburg /
- 5,8 Jngesigel / durch vnser bette / vn- mit vnsern hern Cvonrates von der Eiche
/ vn- voget willehelmes / Jngesigeln /
- 5,9 besigelt / vn- mich Johannesen von Heinwiler begenueget da mitte / Hie
bi waren Her Johannes Snewili / Her

- 5,10 Johannes vn- her Heinrich von Mvnzingen gebuoder / Her Hvg von
Crozingen der Jvnge / ritter / Her Johannes
5,11 der Hevenler / der viringer sin svn / Cvonrat geben der Jvnge / Heinrich
greniche / Ruodolf Rauli / Johannes der
5,12 Legeller / Merki der zolner / vn- ander ereber luite genuoge / Dis ding
beschach vn- wart dirre brief gegeben
5,13 ze friburg / do man zalte von gottis gebuirte / zwelf hvndirt / vn- eines /
vn- Nvinzig / Jar / an dem nehisten
5,14 Samestage nach Sante valentines tage .
- 6,1 . alle die disen brief sehent / oder hoerent lesen / die svin wissen / das
Johannes Degenhart het verkofet sin hvs das da lit
6,2 ze friburg in der stat bi der nideren mezzige an dem orte / vn- swas dar zvo
hoeret / Jacobe dem Mvinzemeister . vmbe
6,3 ahzig marke / loetiges silbers / geweges ze friburg / vn- ist der selbe
Johannes des selben silbers ganzeliche von dem /
6,4 selben Jacobe gewert / vn- het ovch der selbe Johannes das selbe hvs / dem
selben Jacobe mit allem rehte vf gegeben lidig
6,5 vn- lere / vn- het der vor genante Jacob das vor genante hvs / vn- swas dar
zvo hoeret mit allem rehte / verluihen dem
6,6 vor genanten Johannese / vn- allen sinen erben / ze rechtem erbe iemerme /
vmbe zwelf phunt phenninge / vnde
6,7 Siben phenninge / brisger / zinses / Jergeliche / ze Svinegihten / halben /
vn- ze winnahten / halben / dem vor genanten
6,8 Jacobe / vn- sinen erben ze gebende / vn- swenne es sich endirt / so git man
ein phunt pheffers ze erschazze . wir
6,9 Johannes degenhart vn- Jacob der Mvinzemeister veriehen an disem brieve
/ der vor geschriben dinge vn- geloben si
6,10 stete ze haltende vuir vns / vn- vuir alle vnser erben ane alle geverde / vn-
har viber ze einem vrkuinde ist dirre
6,11 brief durh vnser beider bette mit der stette ze friburg / Jngesigel besigelt .
wir Goetfrit vo- Slezstat burgermeister
6,12 vn- die vier vn- zwenzig der rat ze friburg durh bette der vo genanten Jacobes
vn- Johanneses haben /
6,13 der stette ze friburg / Jngesigel an disen brief gehenket / Hie bi waren voget
goeli / Herman von kuirnegge /
6,14 willeheln vo- Teningen / Burchart vo- Tottinkon / Her Hvebisman / der
Strovfer / Luitfrit atschie der spiegel
6,15 Hug Bitterol / Merki der zolner / vn- ander genuoge / Dis ding beschach
vn- wart dirre brief gegeben / ze
6,16 friburg / do man zalte von gottis gebuirte / zwelf hundirt / Nvinzig / vn-
zwej / Jar / an dem nehisten Mentage
6,17 vor sante valentines tage .
- 7,1 . alle die disen brief sehent / oder hoerent lesen / die sviln wissen das her
Burchart der Tvrner von friburg / mit hern Ruodolfes
7,2 sines svnes / wissende / vn- willen / het verkofet / das guot das er hatte
in dem banne ze Buochlein / acker vn- matta / dem man /

- 7,3 spricht des Cregers guot / vn- swas dar zwo hoeret / mit allem rehte / der
priolin / vn- dem Conuente des Closters ze /
- 7,4 adelnhusen bi friburg / in brisgoewe / vuir lidig eigen / vmbe Sehzig marke
/ vier marke minre / loetiges silbers geweges ze
- 7,5 friburg / vn- ist der selbe her Burchart der Tvrner des selben silbers /
ganzeliche von inen gewert / vn- het er ovch inen das
- 7,6 vor genante guot gegeben / vn- gevertigot an offenem gerihte / ze friburg /
vnder der Rihtelovben mit vrteile / an dem /
- 7,7 selben gerihte seiton hern Burchartes des Turners erren kinde / hern
Ruodolfes / Johannes / vn- Margareten / nehisten mage /
- 7,8 von vatter vn- von muoter / Her Ruodolf selbe der Turner / Johannes
Degenhart / Cvonrat Toeldelin / vn- Ruodolf hern Burchartes
- 7,9 des Turners bruodersvn / vf iren eit / das es den selben kinden / Johannese
vn- Margareten / besser were getan denne
- 7,10 vermitteln / vn- hant dvi selben kint / Her Ruodolf / Johannes vn-
Margarete / das vor genante guot alles vf gegeben / den vor genanten
- 7,11 der priolin vn- dem Conuent lidig vn- lere / Har viber ze einem vrkuinde
ist dirre brief mit der stette ze friburg
- 7,12 Jngesigel besigelt . Hie bi waren . Her Dietrich von Tvselingen der
Schultheize / Her Johannes kuecheli / Her Johannes Snewili
- 7,13 Her Johannes von kuirnegge . Her Johannes von Munzingen / Her Goetfrit
von Herdern / ritter / Her Cvonrat Hvibischman / Johannes
- 7,14 der Hevenler der Jvnge / abreht der Lange . Burchart der Beler / Jacob vo-
Nuiwenburg / vn- ander genuoge / erber luite .
- 7,15 Dis ding beschach / vn- wart dirre brief gegeben ze friburg / do man zalte
von gottis gebuirte / zwelf hvndirt / zwej /
- 7,16 vn- Nvinzig / Jar / an der nehisten Mittechen vor sante Martins mes .
- 8,1 . alle die disen brief sehent / oder hoerent lesen / die sviln wissen / das Her
Cvonrat Hvibischman vn- die bruoder phleger des
- 8,2 hvses der guoten lute der siechen bi friburg an dem velde / hant verluihen
/ Der priolin / vn- dem Conuente ze adelnhu/sen
- 8,3 zwo Juchert mattan ligent an des haveners mattan / vmbe halbes hoef / vn-
halbes emide / vn- ein zweiteil mattun ..
- 8,4 lit an des Cregers mattun / vmbe zehen schillinge phenninge brisger /
Jergeliches zinses / iemerme ze rehtem erbe /
- 8,5 vn- swenne es sich endirt / von verkovfende / so git man zwene kappen ze
erschazze / Die vor genanten dvi priolin /
- 8,6 vn- der Conuent / des closters ze adelnhusen / vn- die phleger des huses
der siechen / sint ovch mit einander viberein
- 8,7 komen / das das wasser / alles das da in gat zwiscent der von adelnhusen
/ vn- des haveners mattan / ir gemeine sol
- 8,8 sin / vn- sviln enwederthalb das wasser lihen ane der andern willen / vn-
sviln die guoten luite durh der vo- adelnhusen /
- 8,9 nuiwen mattun / varen swa si des bedurfen / vn- sviln ovch die von
adelnhusen / viber der guoten luite nuiwen matten /
- 8,10 dv da lit an der wibelerin mattun / varen swa si des bedurfen / vn- dvi vor
genante matte da die guoten luite viber sviln

- 8,11 varen / lit oberhalb des Cregers mattun / vn- swas das wasser kostet ze
vuerende in zwiscent der von adelnhusen / vn-
- 8,12 des haverners mattan / vn- obe si dehein crieg / oder dehein schade an gat
vo- dem selben wasser / die koste / vn- den /
- 8,13 schaden sviln si gemeine tragen / Har vber ze einem vrkuinde ist dirre brief
mit des closters / vo- adelnhusen vn- des
- 8,14 huses der vor genante- guoten luite / Jngesigeln / besigelt / Dirre brief wart
gegeben do man zalte von gottis geburte /
- 8,15 zwelf hundert / Nvinzig / vn- zwej / Jar / an sante andres abende des
zwelfbotten .
- 9,1 . alle die disen brief sehent / oder hoerent lesen die svin wissen das der
Meister vn- die bruoder von dem Tvitschen huse . vmbe die missehelli /
vn- die ansprache die si hatten an die burger . vn- die stat
- 9,2 ze friburg in brisgoewe / vmbe die smehte / vn- den schaden . der inen /
an irem huse / vn- iren bruodern / vn- irem gesinde / ze friburg / beschach
/ mit einander willecliche / vn- liebliche / mit des graven Egen herren von
friburg willen /
- 9,3 vn- wissende / vn- arbeite / sint viberein komen / alse hie nach geschriben
stat / Die burger hant gelobit das si den bruodern ir hus wider buwen sviln
in dem werde als es e was e das si es brechen / ane alle geverde /
- 9,4 also swas von holze da ze machende ist / das man das zehant verrihte /
obe die bruoder wellent / vn- ze Osteron / oder in der vasten swas da ze
murende / oder ze deckende mit ziegeln ist / Si hant ovch gelobit das si
inen
- 9,5 inen schaden sviln abe tuon den si vn- ir gesinde namen von der selben getat
/ an wine / an korne / an gewande / vn- an andern dingen / ane heiltuon /
vn- sviln den abe tuon alse der Lantkomendvir bruoder Egelwart
- 9,6 vnde zwene des hvses bruoder die den burgern vnargwenig sint sprechent
vf iren orden / vn- ir gehorsamj / nach der ervarunge alse si ervarent vmbe
die bruoder / vn- des hvses gesinde das do in dem selben
- 9,7 hvse was / vf ir orden / vn- des gesindes eit / vn- sviln ovch si selbe sprechen
bi ir gehorsamj das si wenent das es also si / vn- sviln inen den schaden abe
tuon hinnan ze osteron den nehisten die nu koment /
- 9,8 So / hant ovch die burger gelobit ze besserunge gotte / vn- dem orden
/ das si eine phruonde dvi zwenzig phunde phenninge brisger giltet sviln
widemen / hinnan ze Svinegihten den nehisten / an einen alter / einem
- 9,9 priester der tuitschen herren orden / der gotte ze lobe vn- ze eren iemerme
/ da singen sol / vn- het ovch der vor genante herre grave Egen von friburg
/ durh got / vn- ovch dem orden ze lobe vn- ze eren /
- 9,10 vn- ze besserunge / gegeben so vil dar zvo von sinem selbes guote / das der
phruonden zwo werdent / zwein priestern ze zwein altern / die gotte ze lobe
dienen ewecliche in den vor gena-ten hvse Si sviln
- 9,11 ovch den komendvir / vn- die bruoder / enphahen erberliche / mit der
gloggun / vn- einer procession / vn- hat ovch der grave gelobit / viber rin
ze varende mit swem er wil ze besserunge / dem / orden / vn- nvit

- 9,12 wider komen e das in der Meister wider lade es were denne das der Meister
ime dar an gnade tete das er belibe / kumet ovch dekein bruoder der
aptruinnig ist von irem orden / ze friburg in die stat / so
- 9,13 sviln die burger in heizen vs der stat varen so die bruoder si des manent /
vn- wolte er des nvit tuon / so sviln in die bruoder in der stat varen obe si
wellent / vn- ist das der burger wille / wir her Dietrich
- 9,14 von Tviselingen / der schultheize / Der Zilige / der burgermeister / die
vier vn- zwenzig / vn- der rat / vn- die vor genanten burger gemeinliche
vergehen aller der dinge die von vns da vor geschriben
- 9,15 stant / das wir han gelobit / vn- geloben si stete ze hande / vn- ze leistende
ane alle geverde / vn- swa wir des nuit leisten / so han wir inen ze buirgen
gegeben / die vor / genanten Hern Dietrichen den schultheizen /
- 9,16 den Ziligen den burgermeister / Hern Johannesen den Morser den alten
/ Hern Hvgen von Mvnzing vnde hern Johannesen sinen bruoder / Hern
Hvgen von Crozingen den alten / hern Johannesen vo-
- 9,17 Mvnzingen / Hern Ruodolfen den Rintkovfen / Hern Johannesen
kuechelin / Hern Cvonrat kuechelin / hern Egenolf kuechelin / Hern
Cvonrat Snewilin / hern Johannesen Snewilin / hern Johannesen vo-
kuirnegge /
- 9,18 hern Cvonrat kozzen / vn- sinen bruoder / Goetfriden von Slezstat / den
alten Turner / abrehten / den Rintkovfen / Hern Goetfriden von Herdern
/ Hern Burchart Meinwarten / hern wernher von Stuelingen /
- 9,19 hern Johannesen von Stuelingen / Hern Cvonrat den havener / Hern
Ruodolf wolleben / Hern heinrich wolleben / Hern Luitfrit atschier / Hern
Herman wissilberli / Hern Johannesen den Hevenler / Johannesen sinen
- 9,20 svn / Hern Cvonrat sthellin / hern Cvonrat geben / hern Burchart vo-
Hohenvirst / Hern Cvonrat hvibischman / peter vo- hvsen / den stovfer .
abreht den lange- Cvonrat den Rinvelder / volcwin Boeschelin /
- 9,21 Johannesen den verler / wernher den zimbermann / Meister Ruedeger den
smit / Loechelin den brotpeken / hartman den Mviller / Cvonrat den
wislederer . Eberhart den scherer / Burchart den Beler / wernher
- 9,22 Beging / Hessen Regenolten / Heinrichen den schuoler / Heinrich den
kever / peter den vischer / vn- Berhtolden den schedeler / das die selben
buirgen swenne si dar vmbe von den selben bruodern gemant
- 9,23 werdent in den nehisten ahte tagen sich sviln entwuirten ze friburg in der
stat / ze offenen wirten / vmbe veile guot / ze rehter giselschaft ane alle
geverde / vn- sviln leisten alle die wile vnze das
- 9,24 ding ganzeliche das man denne verrihten sol / wirt verrihtet alse da vor
geschriben stat / wir bruoder Cvonrat von vuihtewangen / hohmeister des
ordens sante Marien von dem Tuitschen huse
- 9,25 vergehen ovch vuir vns / vn- vnser bruoder / das wir die vor geschriben
lieblich svone / vmbe allen vnsern / vn- des ordens / vn- vnser gesindes
schaden / vn- smehte / han genamezet / vn- verkiesen / vn- laen
- 9,26 varen gegen den burgern vo- friburg / gemeinliche / vn- svnderliche /
luterliche / allen den schaden / vn- die smehte / der vns / vnserm hvse
/ ze friburg / vnde dem orden beschach / von der selben getat /

- 9,27 wir die vor genanten der schultheize / Der burgermeister / vn- die andern
buirgen alle / vergehen das wir gelobit han die vor genante giselschaft ze
leistende ob es ze schulden kumet / alse
- 9,28 da vor geschriben ist ane alle geverde / Har viber ze einem vrkuinde /
so han wir die vor genanten / Der hohmeister / Grave Egen / vn- der
Lant/kommendvir / vn- die burger / vnservi Jngesigel
- 9,29 an disen brief gehenket / Dis ding beschach ze kilchouen / do man zalte von
gottis gebuirte / zwelf hundirt Nvinzig / vn- zwej / Jar / an dem nehisten
zistage nach sante Nicolawes tage / vn- wart
- 9,30 dirre brief gegeben ze friburg dar nach an dem nehisten fritage /
- 10,1 . allen die disen brief sehent oder hoerent lesen / kuinden wir grave albreht
von Hohenberg / das wir Die Bvrg / vn- die herschaft ze wisenegge / dvi
da lit in zartuntal / in brisgoewe / vn- die vogeteie /
- 10,2 vber das Closter ze sante Mariencelle / in dem swarzwalde / in Costenzer
bischtuome / mit lvtten / vn- guote / vnde mit namen vber luite vn- guot /
ze Frovlenbach / ze zarton / ze Merdingen / vn- swa /
- 10,3 es anderswa lit in brisgoewe / vnde mit gerihten / vn- allen rehten / vn-
gewonheiten / so zvo der selben bvrge / vn- der Herschaft / vn- der vogeteie
hoerent / in brisgoewe / es si an holze / an velde /
- 10,4 an wassern / an ackern / an Mattan / an reben / an vischenzen / oder an
dekeinen andern dingen / das wir in gewalte vn- in gewer har haben braht
/ haben verkofet friliche / vn- willecliche / vn- gesvnt
- 10,5 vnsers libes / vuir vns vn- alle vnser erben / dem erberen manne hern
Bvrcharte dem Tvrtner / einem burger von friburg / vuir lidig eigen / vmbe
Tvsent marke / vn- zwenzig marke / loetiges silbers / gewe/ges
- 10,6 ze friburg / ze hande / ze besizzende / vn- ze niezende / iemerme / alse sin
lidig eigen / vn- vergehen ovch wir an disem brieve / das wir des selben
silbers / ganzeliche von ime sin gewert / vn- haben ovch
- 10,7 ime das vor genante luite vn- guot / alles sament in sine gewalt geentwurtet
/ vn- in in libhaftige gewer gesezzet / wir geloben ovch vuir vns / vn- alle
vnser erben / dem vor genanten burger sin / vn-
- 10,8 aller siner erben / wer ze sinde / alles des guotes / vn- Luite / vn- rehte / so
da vor geschriben stat / iemerme vuir lidig eigen / gegen allermeniglichem
/ ane allen iren schaden / wir geloben ovch an disem
- 10,9 brieve / vuir vns / vn- alle vnser erben / den vor genanten kovf stete ze
hande / vn- niemer da wider ze komende / noch ze tuonde / mit Worten
noch mit werken / mit vns selben noch mit nieman anderm /
- 10,10 vnde haben ovch wir / vn- vnser frowe / Margrete vnser wirtinne / vn-
vnservi kint / vns verzigen / vn- verzihen vns ovch an disem brieve / an des
vor genanten burgers hant alles rehtes das wir /
- 10,11 oder vnser vordern / an dem vor genanten guote / vn- luiten / hatten / oder
han mohten / von dekeinen sachen / vn- haben ovch wir disen kovf getan
dem vor genanten burger / mit wissende / vn- willen der erbere-
- 10,12 herren / des aptes vn- des Conuantes des vor genanten Closters / sante
Mariencelle . wir apt Cvonrat vn- der Conuent des selben Closters sante
Mariencelle / vergehen ovch an disem brieve / das der

- 10,13 vor genante kovf mit vnser wissende / vn- willen ist beschehen / vn- haben
ovch / mit gemeinem rate / vn- flissiger betrachtunge / wande wir wol
erkennen das es vnserm gottishuse nvizze ist / vn-
- 10,14 besser getan / denne vermitten / den vor genanten hern Burcharten den
Tvrner / ze vogete vn- ze herren genomen vber vnser Closter / vn- vnser
luite / vn- vnser guot alse da vor geschriben /
- 10,15 stat / in allem rehte / vn- gewonheite als es har komen ist vnder vnserm
vor genanten herren grave albrehte / vnde geloben ovch vuir vns / vn- alle
vnser nahkomende / des selben / allen sinen
- 10,16 erben gehorsam ze sinde / Har vber ze einem vrkuinde / vn- das disvi ding
ellvi stete beliben / haben wir der vor genante grave albreht / vn- wir apt
Cvonrat des vor genanten /
- 10,17 Closters / vnservi Jngesigel an disen brief gehenket / vn- vns den Conuent
wande wir Jngesigels nvit haben / begenueget mit vnser vor genanten
herren des aptes Jngesigel
- 10,18 an disem brieve / Hie bi waren / Her Reinhart von Rvitj / Her Herman
der Schriber / kilcherre von Ebingen / her Cvonrat / vn- Her Johannes
Snewilin / Her Egenolf kuecheli / Her Ruodolf der Turner /
- 10,19 ritter / vn- ander erber luite genuoge / Dirre brief wart gegeben ze friburg
/ do man zalte von gottis geburte / zwelf hvndirt / Nvinzig / vn- drvi / Jar
/ an dem nehisten fritage /
- 10,20 nach sante agnesen tage .
- 11,1 . alle die disen brief sehent / oder hoerent lesen / die svln wissen / das fro
anne Hern Johannes seligen des Nieners tohter .
- 11,2 vf irem hove ze Eschebach / den ir ane selige ir gab / het verkofet / aht
mvtte roggen/geltes / Jergeliche Hern Heinriche
- 11,3 wolleben von friburg / vmbe Nvndehalde marke loetiges silbers / geweges
ze friburg / vn- ist si der ganzeliche von ime .
- 11,4 gewert / Dar zvo hant ovch die Bruoder sante willehelmes ze friburg / ein
phunt phenninge / geltes Jergeliche / vf dem /
- 11,5 selben hove / das dv selbe fro anne inen gab ze ires bruoder Heinriches
seligen Jargezit ze begande / vn- het si dem selben /
- 11,6 hof mit allem rehte / vn- guote so si dennoch dar an het / gegeben dem vor
genanten Hern Heinriche wolleben / lidig vn- lere /
- 11,7 vn- het in wider von ime enphangen / vmbe vier phenninge zinses /
Jergeliche ze hande / vn- ze niezende / die wile si lebit /
- 11,8 vn- het ir selben behabit gewalt noch me vf dem selben hove / so vil guotes
ze verkofende / das si zehen marke silbers /
- 11,9 loese / vn- die selben zehen marke durh ir sele ze gebende / gesunt / oder
siech / swar si wil / vn- swas nach ir tode /
- 11,10 des selben hoves guotes das si hatte / viberig ist / das sol vallen / an ir
muoter / vn- wernher / vn- Cvonraten ir bruoder / vn- svln die /
- 11,11 das vierteil des Nvzzes des selben guotes das an si vallet / geben Jergeliche
/ fron agnesen ir swester die wile si lebit / vnde
- 11,12 hant die selben ir muoter / vn- ir bruoder gelobit dis vor genante ding alles
stete ze hande / alse da vor geschriben ist ane alle

- 11,13 geverde / vn- niemer da wider ze komende noch ze tuonde mit worten noch
mit werken / Har vber ze einem vrkuinde ist /
- 11,14 dirre brief mit der stette ze friburg / Jngesigel besigelt / Hie bi waren
Bruoder Nicolawes der prior ze friburg / bruod'
- 11,15 Johannes der prior von Oberriet / sante willehelmes ordens / peter von
Baldingen / Johannes Bitterolf / Herman Blvomj /
- 11,16 Heinrich der Scherer / vn- ander gnuoge erber luite / Dirre brief wart
gegeben / ze friburg / do man zalte vo- gottis
- 11,17 gebuirte / Zwelf hvndirt / Nvinzig / vn- drv / Jar / an dem nehisten zistage
nach vnser frowen mes ze der Liehmes .
- 12,1 . alle die disen brief sehent / oder hoerent lesen / die svin wissen / das Peter
von Baldingen / mit siner kinde nehisten
- 12,2 mage von vatter vn- von muoter / vn- ir sallvite rate vn- willen / het
verkovfet / das guot aker / vn- matta / vn- holz / vn-
- 12,3 einen bovngarten / ze vfhsen / vn- ze wendelingen / das der amur von
Brisach hatte / Der priolin vn- dem Conuente
- 12,4 ze adelnhusen / ze hande / vn- niezende vuir lidig eigen / ane das holz da
gant einlif phenninge von / vn- eine mattun /
- 12,5 da von gant drie phenninge / Jergeliches zinses / vmbe Siben vn- zwenzig
marke loetiges silbers / geweges ze /
- 12,6 friburg / vn- ist der selbe peter des selben silbers ganzeliche / vn- sinvi kint
/ von inen gewert / vn- hant ovch der
- 12,7 selbe peter / vn- sinvi kint das vor genante guot / den vor genanten der
priolin / vn- dem Conuente vf gegeben /
- 12,8 vn- gevertiget ze friburg / vnder der rihtelovben / an offenem gerihte mit
vrteilde / an dem selben gerihte seiten
- 12,9 Har vmbe / der kinde nehisten mage vn- salluite / Her Burchart der Tvrner
/ Her Luitfrit atschier / Der zilige
- 12,10 Der Strovfer / Herman wollebe / vn- Hug von Tuiselingen / vf iren eit das
es den selben kinden besser were /
- 12,11 getan denne vermitten / Har vber ze einem vrkuinde ist dirre brief mit der
stette ze friburg Jngesigel besigelt /
- 12,12 Hie bi waren / Her Johannes der Morser / Her Johannes kuecheli / Her
Ruodolf der Rintkovfe / ritter /
- 12,13 Her Ruodolf wollebe / wernher der zimberman / vn- ander erber luite
genuoge / Dirre brief wart gegeben ze friburg
- 12,14 in dem Jare / do man zalte von gottis gebuirte / zwelf hundirt / Nvinzig /
vn- drv / Jar / an dem nehisten Samestage
- 12,15 vor sante Johannes mes ze Svnegihten .
- 13,1 . allen die disen brief sehent / oder hoerent lesen / kunden wir appet
Cvonrat vn- der Conuent von sante
- 13,2 Meriencelle in dem Swarzwalde / in Costenzer bischtuome / das wir mit
gemeinen rate / durh nvz vnsers gottis/huses /
- 13,3 die Mattun dvi lit hinder dem hove ze Mvndenhoven / ze einem wehsel
haben gegeben / Der Eptischinne

- 13,4 vn- dem Conuente ze Gvinterstal / vmbe zwene acker ligent in dem
heinwisin in dem banne ze Merdingen /
- 13,5 Har viber ze einem vrkuinde / vn- das der wehsel von vns vn- von allen
vnsern nahkomenden stete / vn- ganz be/ibe /
- 13,6 geben wir inen disen brief mit vnserm des aptes Jngesigel besigelt / vn- vns
den Conuent begnueget
- 13,7 da mitte wande wir Jngesigels nvit haben . Dirre brief wart gegeben ze sante
Meriencelle / in dem Jare /
- 13,8 do man zalte von gottis gebuirte / zwelf hvndirt . Nvinzig / vn- vier / Jar /
an dem nehisten donrestage
- 13,9 nah sante Hylarien tage .
- 14,1 . alle die disen brief sehent / oder hoerent lesen / die svin wissen / das
Gerung / Peter / Johannes / vn- Katherine
- 14,2 von Maltertingen / gewistergit / hant verkofet das hvs das da lit ze friburg
in der stat / in des Tvrners
- 14,3 gassvn / zwischent Der Rinderlin hvse / vn- des wissen des Salzmannes
hvse / hern Berhtolde dem Bvitricher
- 14,4 einem burger ze friburg / vn- swas zvo dem selben hvse hoeret / ze hande
/ ze besizzende / vn- ze niezende / vmbe
- 14,5 vier / vn- vierzig phvnde / phenninge / brisger / vn- sint si der ganzeliche
von ime gewert / vn- hant ovch dv
- 14,6 vor genanten gewistergit / das vor genante hvs / dem vor genanten hern
Berhtolde vf gegeben / vn- verkofet /
- 14,7 mit allem rehte das si dar an hatten / lidecliche / vn- hant es ime gevertigot
/ ze friburg / vnder der Rihte/lovben
- 14,8 an offenem gerihte / mit vrteilde / an dem selben gerihte / seiten der selben
gewistergide nehisten
- 14,9 mage Cvonrat von Mvnzingen der schroeter / vn- walther voegelli von wuerj
/ der wagener / vf iren eit das
- 14,10 es den selben gewistergiden / besser were getan denne vermitten / Har
viber ze einem vrkuinde ist dirre
- 14,11 brief / mit der stette ze friburg Jngesigel besigelt / Har an waren dise gezvge
/ Her Dietrich von Tvse/lingen
- 14,12 der schultheize / Her Johannes kuecheli / Her Cvonrat von Tuiselingen /
ritter / Her Ruodolf wollebe /
- 14,13 Her Cvonrat der havener / Her Goetfrit von Slezstat / Her abreht der
Rintkovfe / Der zilige / Johannes
- 14,14 von Tuiselingen / Her Cvonrat geben / Her abreht der Lange / vn- ander
erber Luite genuoge / Dis ding
- 14,15 beschach / vn- wart dirre brief gegeben ze friburg / in dem Jare / do man
zalte von gottis gebuirte / zwelf / hvndirt /
- 14,16 Nvnzig / vn- vier / Jar / an der nehisten Mittewochen nach sante Gangolfes
tage .
- 15,1 . allen die disen brief sehent / oder hoerent lesen / kuinde ich Johannes
kozze von friburg / senger von Colmer / kilcherre ze Buochlein / das ich
den hof

- 15,2 ze Bvggingen in brisgoewe / der min / vn- miner vordern was / han
verkovfet dem erberen manne / hern Cvonrate dem Brender von schoenowe
/
- 15,3 vn- allen sinen erben / mit ackern / mit reban / mit mattan / mit wasser /
mit holze / mit velde / mit zinsen / vn- mit allem gelte / vn- guote / vn-
rehten / so dar zvo hoerent / vn- mine vordern in har braht haben / ze hande
/ ze besizzende / vn- ze niezende / ein teil des guotes vuir erbe
- 15,5 vn- ein teil vuir lidig eigen / vmbe vuinf vn- zwenzig marke /. vn- hvndirt
marke / loetiges silbers / geweges ze friburg / vn- vergihe ich an
- 15,6 disem brieve / das ich des selben silbers ganzeliche von ime bin gewert /
vn- han ovch in / in libhaftige gewer / gesezzet des vor genanten /
- 15,7 hoves vn- guotes / Jch han ovch gelobit vuir mich / vn- vuir alle mine erben
/ dem vor genanten hern Cvonrate / sin / vn- aller siner erben / wer ze sinde
- 15,8 des vor genanten hoves vn- guotes / an gerihte / vn- vsserhalb gerihtes /
gegen allermeniglichem / ane allen iren schaden / vn- verzihe mich
- 15,9 mit disen brieve / vuir mich / vn- vuir alle mine erben / alles rehtes / das
ich an dem vor genanten hove / vn- guote / hatte / oder han mohte /
- 15,10 vn- alles rehtes geistliches / vn- weltliches / gewanheit / vn- aller brieve /
vn- aller helfe / da mitte der vor genante kovf geirret / oder ge/crenket
- 15,11 mochte werden ane alle geverde / Har viber ze einem vrkuinde gib ich dem
selben hern Cvonrate disen brief mit mines
- 15,12 herren / von gottis gnaden Bischofes peters / von Basel / vn- mit minem /
Jngesigeln / besigelt / wir peter von gottis gnaden Bischof
- 15,13 von Basel / durh bette / des vor genanten Johannes kozzen / sengers von
Colmer / haben vnser Jngesigel an disen brief gehenket /
- 15,14 Hie bi waren dise gezuige / der edel herre Her Ruodolf von vesenberg / Her
walther der Coler / Her Burkart Meinwart / Her Johannes
- 15,15 snewili / Her Johannes der schenke von Eistat / Her Johannes von
Mvnzingen / Her Hvg kuecheli / Her Heinrich von Mvnzingen / ritter
/ vn-
- 15,16 ander erber Luite genuoge / Dirre brief wart gegeben / ze friburg / in dem
Jare / do man zalte / von gottis gebuirte / zwelf hvndirt /
- 15,17 Nvinzig / vn- vier / Jar / an der nehisten Mittewochen vor sante vrbanes
tage /
- 16,1 . allen die disen brief sehent / oder hoerent lesen / kuinde ich wernher von
wiswil ein ritter / das
- 16,2 ich / die matta die ich kovfte vmbe hern Cvonon von valkenstein / hern
slegellins bruegel des sint
- 16,3 vier mannematte / vn- drie mannematte z en Hvnen / vn- ein mannesmatte
lit a m vnder wasser
- 16,4 bi zarton an zwein stuken / das ein mannesmatte git zwene phenninge ze
sante Merien ze /
- 16,5 zinse han verkovfet / Jacobe dem seiler einem burger von friburg / mit allem
rehte so dar zvo hoeret
- 16,6 in allem rehte als ich si hatte / ze hande / vn- ze niezende / vmbe zehen
marke loetiges silbers / ge/weges

- 16,7 ze friburg / vn- bin ich des silbers ganzeliche von ime gewert / vn- gelobe
ovch ime / sin / vn-
- 16,8 siner erben / wer ze sinde / des selben guotes gegen allermeniglichem ane
iren schaden ane geverde
- 16,9 in allem rehte also da vor geschriben stat / vn- han ich disen kovf getan mit
mines herren graven /
- 16,10 Egen von friburg hant vn- willen / Har vber ze einem vrkuinde / gib ich
dem selben burger disen
- 16,11 brief mit minem / vn- mines vor genanten herren Jngesigeln / besigelt /
wir grave Egen vo- /
- 16,12 friburg / veriehen das dis ding mit vnser hant / vn- willen / ist beschehen
/ vn- dar vmbe haben
- 16,13 wir geheizen vnser Jngesigel an disen brief henken / Hie bi waren / Her
dietrich von /
- 16,14 Tvselingen / Her Johannes vn- her Herman vo- wiswil / Cvonrat der
Troesche / Johannes der
- 16,15 hevenler der Jvnge / Johannes Reitenbuoch / vn- ander genuoge / dirre brief
wart gegeben /
- 16,16 ze friburg / in dem Jare / do man zalte / vo- gottis geburte / zwelf hvndirt
/ Nvnzig / vnde
- 16,17 vier / Jar / an dem nehisten fritage vor sante volriches tage .
- 17,1 . alle die disen brief sehent / oder hoerent lesen die svln wissen das her
Johannes von Mvnzingen / hern Ludewiges seligen svn
- 17,2 ein Ritter von friburg / Den hof den er hatte ze Mvnzingen / mit ackern /
mit Reban / mit Mattan / mit zinsen / vn- mit
- 17,3 allem guote / vn- rehte / so dar zvo hoeret / vn- die zinse / ein Malter
roggen / drizig schillinge phenninge / zehen phenninge /
- 17,4 minre / vn- ahzehen hvenre / Jergeliche / die er ze Tvengen hatte / vn- die
zinse / ein Malter roggen / vierzehen schillinge /
- 17,5 phenninge / vn- vier hvenre / Jergeliche / die er ze Mengen hatte / Het
verkovfet den erberen frowen / Der priorin / vn-
- 17,6 dem Conuente / des Closters ze adelnhvsen / ze hande / ze besizzende /
vn- ze niezende / in allem rehte als er das selbe guot
- 17,7 hatte / vmbe zwej hvndirt marke vier marke minre / loetiges silbers /
geweges ze friburg / vn- het er vergehen das er des selben
- 17,8 silbers / ganzeliche von inen ist gewert . vn- het ovch er inen den selben
hof / vn- das vor genante guot / in ir gewalt geentwuirtet /
- 17,9 lidig vn- lere / vn- hant ovch der vor genante ritter / vn- ellv sinv kint / vn-
Johannes wollebe / siner tochter man . den selben
- 17,10 hof / vn- das selbe guot / mit allem rehte so dar zvo hoeret / den vor
genanten frowen vf gegeben lidig vn- lere vn- hant sich /
- 17,11 verzigen alles rehtes so si dar an hatten / vn- het ovch der selbe ritter / den
selben hof / vn- das selbe guot den selben frowen /
- 17,12 gevertigot / ze friburg / vnder der Rihtelovben / vor hern Dietriche von
Tvselingen / dem schultheizen / an offenem gerihte /
- 17,13 mit vrteilde / an dem selben gerihte / seiten der selben kinde nehisten mage
/ von vatter vn- von Mvoter / Her Hvg von /

- 17,14 Mvnzingen / Her Heinrich sin bruoder / vn- her Hvg von velthein / ritter
/ vf iren eit das es den selben kinden besser were
- 17,15 getan denne vermiten / Har vber ze einem vrkuinde ist dirre brief mit der
stette ze friburg / Jngesigel besigelt /
- 17,16 wir Her Dietrich von Tvselingen der schultheize / vn- die vier vn- zwenzig
/ der Rat von friburg / wan dis ding an
- 17,17 offenem gerihte geschach / mit vrteilde alse da vor geschriben stat / dar
vmbe ze einem vrkuinde haben wir vnser gemein
- 17,18 Jngesigel der stette ze friburg / an disen brief gehenket / Hie bi waren dise
gezvge / Her Ruodolf der Rintkovfe / Her /
- 17,19 Johannes snewili / Die kozzen beide / Her Johannes von valkenstein / Her
Johannes kuecheli / Her stephan snewili /
- 17,20 ritter / Her Jacob der Mvnzemeister / volmar von Mvnzingen / Meister
wernher der zimberman /.. Der Loffeler / vn-
- 17,21 ander erber Luite genuoge / Dirre brief wart gegeben / ze friburg / in dem
Jare / do man zalte von gottis gebuirte /
- 17,22 zwelf hvndirt / Nvnzig / vn- vier / Jar . an dem nehisten samestage vor
sante Oswaldes tage /
- 18,1 . alle die disen brief sehent / oder hoerent lesen / die svln wissen / das
Heinrich von schafhvsen / vn- fro Mehthilt dv
- 18,2 Mvllerin / sin elich wirtinne / swas si rehtes an der Mvli ze Obernwuerj /
dui da lit ze Oberost bi dem tor / vn- dem Hvse /
- 18,3 das da bi lit / vn- dar zvo hoeret / vn- swas dar zvo hoeret / hatten / vn-
den acker der lit oberthalb dem Obern werde /
- 18,4 zwiscent Meister wernhers des Decken ackern / vn- den acker / der lit
hinder dem Obern werde / hinder des
- 18,5 Langen garten / vn- dv zwej Hvser dv ligent nebent einander ze
Nidernwuerj / an hern Goetfrides von slezstat /
- 18,6 garten / bi dem Mvliwasser / vn- swas dar zvo hoeret / mit allem rehte so
si dar an hatten / durh ir sele willen / mit des
- 18,7 vor genanten hern Goetfrides von slezstat dem dv vor genante fro Mehthilt
/ vor e si den vor genanten Heinrichen
- 18,8 neme das vor genante guot alles hatte gegeben / wissende vn- willen / hant
gegeben / lidecliche / den dvrtigen / vn- /
- 18,9 dem spittal des heiligen geistes ze friburg / vn- hant si das selbe guot alles
von dem vor genanten hern Goetfride des
- 18,10 selben spittals Meister / vn- phleger / an des spittals stat / enphangen / ze
hande / vn- ze niezende / si beidv / vn- ietwe/ders
- 18,11 nah dem andern / die wile si lebent / vmbe drissig schillinge phenninge /
brisger / zinses / Jergeliche ze /
- 18,12 sante Martins mes / dem selben spittal ze gebende / vn- vmbe das selbe gelt
des zinses / hant si von dem spittal /
- 18,13 ahtodehalbe marke loetiges silbers / geweges ze friburg / genomen vn-
enphangen / vn- so si beidv sterbent so ist das
- 18,14 vor genante guot alles vn- swas dar zvo hoeret / dem selben spittal vn- den
dvrtigen lidig / Har vber ze einem

- 18,15 vrkuinde ist dirre brief mit der stette ze friburg / Jngesigel besigelt / Hie bi
waren dise gezvge / Her Heinrich
- 18,16 kilcherre von Merdingen / Her Johannes kozze senger von Colmer / Meister
walthar der schulmeister / Her /
- 18,17 Hvg von Crozzingen der alte / Her Johannes von kuirnegge / Her Johannes
von Mvnzingen / Her stephan /
- 18,18 snewili / Her snewili / sin bruoder / Her Johannes snewili / Her Johannes
von Mvnzingen / ritter . Johannes
- 18,19 Buggenrvitj / sin svn / vn- ander erber Luite genuoge / Dirre brief wart
gegeben ze friburg / in dem Jare / do /
- 18,20 man zalte von gottis gebuirte / zwelf hvndirt / Nvnzig / vn- vier / Jar / an
dem nehisten fritage vor sante
- 18,21 Bartholomeus tage des zwelfbotten /
- 19,1 . allen die disen brief sehent / oder hoerent lesen / kuinden wir swester
anne von Ophingen dv priorin vn- der Conuent
- 19,2 des Closters ze adelnhusen / vn- Goetfrit von slezstat der Meister vn- die
bruoder des spittals des heiligen / geistes
- 19,3 ze friburg / das wir mit einander / die zinse die wir einander gaben die hie
nach geschriben /
- 19,4 stant / gewehselt haben / also hie geschriben ist . wir dv priorin / vn- der
Conuent gaben dem selben spittal
- 19,5 . xvij . f . von dem holze / vn- von der Mattun die vns abreht der vorster
von wendelingen gab / Da vuir haben
- 19,6 wir dem spittal gegeben die Mattun in dem witenbach / vn- das guot ze
smidehoven das der Merdinger /
- 19,7 von smidehouen / von vns vmbe ein malter roggen ze erbe hatte / wir gaben
ovch dem spittal . i . lb- . den- von
- 19,8 der Mattun bi den guoten Luiten / vn- von der Mennin guote . v . f . vn-
von des gisingers bluiwelun . iij . f . vn-
- 19,9 von hern kuechelins bovngarten . viij . den- . Da vuir lazten wir dem spittal
/ dise zinse . xij . f . die er vns
- 19,10 gab / von hern Heinrichs zoechelins guote / ze Berghusen / vn- . i . f .
von dem selben guote / vn- . xxxiiij . den- von
- 19,11 dem selben guote von salme / vn- . i . f . von dem guote das schvittemuoz
ze Ebringen het / vn- . i . f . ze Tvengen /
- 19,12 vn- . iij . f . von den Reban ze Hirzematte / vn- . viij . f . von Hermannes
des Rindes guote in der Nvwenburg
- 19,13 vn- . xvj . den- . von hern spoerlins seligen des phaffen garten / vn- git vns
noch der spittal . ij . den- vn- . iij . f .
- 19,14 vf Rossegebels Mvili / also sint vns vnser vor genanten zinse widerleit / wir
die vor genanten Goetfrit
- 19,15 von slezstat / vn- die bruoder / vergehen der dinge also da vor geschriben
stat / Har vber ze einem vrkuinde
- 19,16 ist dirre brief mit vnserm der priorin vn- des Conuentes / vn- des selben
spittals / Jngesigeln /
- 19,17 besigelt / Dirre brief wart gegeben ze friburg / in dem Jare do man zalte
von gottis gebuirte zwelf

- 19,18 hvndirt / Nvnzig / vn- vuinf / Jar . an sante paules bekerunge tage .
- 20,1 . alle die disen brief sehent / oder hoerent lesen / die svin wissen das Burkart
von Tottinkon / Der zilige / Johannes der /
- 20,2 strovfer / vn- her Ruodolf der soler / burger von friburg / das gesesse /
garten / vn- hvser / vn- swas dar zvo hoeret / das
- 20,3 lit / ze friburg / in der Nuiwenburg / ze oberoste in der gerwer gassun /
gegen dem alten graben an dem orte /
- 20,4 das hern Heinriches seligen wolleben eines burgers / von friburg / was / an
des selben hern Heinriches kinde stat
- 20,5 hant verkovfet / den Dvrftigen / des spittals des heiligen geistes / vn- dem
selben spittal / ze friburg / vmbe
- 20,6 Nvnzig marke loetiges silbers / geweges ze friburg / vn- sint die vor
genanten burger / vn- dv selben kint des selben
- 20,7 silbers / von dem selben spittal ganzeliche gewert / vn- hant ovch die selben
burger / dem selben spittal / vn- den duirftigen
- 20,8 das vor genante gesesse / vn- das guot / gegeben vn- gevertiget ze friburg /
vnder der Rihteclovben an offenem
- 20,9 gerihte / mit vrteilde / an dem selben gerihte seiton vf iren eit der vor
genanten kinde nehisten mage / von vatter /
- 20,10 vn- von muoter / Johannes vn- Heinrich der selben kinde bruoder / Burkart
von Tottinkon / Meinwart sin bruoder /
- 20,11 Der zilige / Johannes der strovfer / Ruodolf der spiegeler / Her Ruodolf
der soler / vn- her Ruodolf wollege / das es
- 20,12 den selben kinden besser were getan denne vermitten / vn- dv selben kint
Nicolawes der scherpher / wollege /
- 20,13 Cvonrat / Ruodolf / vn- Heinrich . hant ovch das vor genante gesesse / vn-
das guot / dem vor genanten spittal / vn- den /
- 20,14 duirftigen / vor gerihte vf gegeben lidig vn- lere / Har vber ze einem
vrkuinde ist dirre brief mit der stette
- 20,15 ze friburg Jngesigel besigelt / Hie bi waren dise gezuige / Her Johannes
snewili kilcherre von Ruitj / Her Hvg
- 20,16 von Mvnzingen / Her Ruodolf der Rintkovfe / Her Hug von Crozingen /
Her Hug sin svn / her Johannes kuecheli /
- 20,17 Her Goetfrit von Herdern / Her Cvonrat kuecheli / Her stephan snewili /
ritter / abreht der Rintkovfe / her Herman
- 20,18 wissilberli / Her Johannes der Hevenler / Pittit sin svn / Cvonrat der Berner
/ Jacob von Nvwenburg / Heinrich /
- 20,19 zenli / burger ze friburg / vn- ander erber Luite genuoge / Dis ding
beschach vn- wart dirre brief gegeben ze /
- 20,20 friburg / in dem Jare do man zalte von gottis gebuirte / zwelf hvndirt /
Nvnzig / vn- vuinf / Jar / an dem /
- 20,21 nehisten zistage vor sante Mathys tage . des zwelfbotten .
- 21,1 . allen die disen brief sehent / oder hoerent lesen / kinde ich Heilewig dui
Meierin von sigemanswalde / das ich mit mines Oeheimes /
- 21,2 Dietriches von Tvselingen des schultheizen von friburg / dem ich min guot
hatte vf gegeben / vn- in sine hant gesezzet / willen / vn- mit

- 21,3 siner hant / han gegeben / willecliche / durh miner sele willen / den erberen
frowen / Der Eptischinne / vn- dem Conuente von Gvnters/tal /
- 21,4 des ordins von Cytels / drissig mutte kornes / geltes / Jergeliche / vsser
minem hove / ze Nuiwershvsen / also das min svn Berhtolt
- 21,5 dis selbe gelt kovfen / oder loesen sol vmbe drissig marke loetiges silbers /
geweges ze friburg / vn- sol ze einem male nvt minre /
- 21,6 geben / denne vuinf marke / vn- so er die git so sol ime vuinf mutte geltes
abe gan / vn- git er zehen marke / so sol ime zehen mutte
- 21,7 des geltes abe gan / vn- swenne er drissig marke gar vergiltet / so ist ime
der vor genante hof / vn- das gelt lidig / ane alle geverde
- 21,8 vn- svn denne die vor genanten frowen mit den drissig marken / ein gelt
kovfen / vn- svn da mitte iemerme / min Jargezit /
- 21,9 began / vn- swas in des geltes hinnan dar wirt da mitte svn si min Jargezit
began so ich erstirbe / vn- han ich dise gift getan
- 21,10 alse da vor geschriben stat / also das ich si niemer mag / noch sol
gewandelon / Har vber ze einem vrkuinde ist dirre brief durh
- 21,11 mine bette / mit mines vor genanten oeheimes Dietriches Jngesigel besigelt
/ Jch her Dietrich von Tuiselingen der schultheize
- 21,12 von friburg / vergihe an disem brieve / das disv gift alse da vor geschriben
ist / mit minem willen / vn- mit miner hant ist /
- 21,13 beschehen / vn- gelobe si stete ze hande / vn- dar vmbe / durh bette miner
vor genanten basvn der Meierin / han ich min Jnge/sigel .
- 21,14 an disen brief gehenket . Hie bi waren / Bruoder Heinrich der prior von
Tennibach / bruoder Heinrich von Mershvsen /
- 21,15 fro Jvnte snewilin . vn- ander frowen gnuoge / in dem closter ze Gvnterstal
/ Dis ding beschach in dem Jare do man zalte /
- 21,16 von gottis gebuirte / zwelf hvndirt / Nvnzig / vn- vuinf . Jar / an dem
nehisten Mentage nach dem phingestage /
- 22,1 . alle die disen brief sehent / oder hoerent lesen / die svn wissen das
Heinrich salattj / durh siner sele willen het /
- 22,2 gegeben / dem spittal des heiligen geistes / ze friburg / drizig schillinge
phenninge brisger / geltes Jergeliche / des
- 22,3 gant zehen schillinge von dem hvse in der hinderun wolfhuiwelun / das des
alten schuittemuoz seligen was / vn- ein /
- 22,4 phunt gat von einer Mattun ze Tvengen / das man da mitte in der Cappellun
des spittals nah sinem tode /
- 22,5 ein Licht sol han / das naht vn- tag / iemerme / ewecliche da brinne / Er
het ovch gegeben dem spittal /
- 22,6 sehstehalben schilling / vn- drizig schillinge phenninge brisger / geltes /
Jergeliche / des git / Heinrich der /
- 22,7 Rorer / sibendehalben schilling / vn- Ruodolf der sorner git . vier schillinge
/ von dem guote an dem hirzeberge
- 22,8 so gant von einer Juchart reban in der Bechelun / einlif schillinge / der git
Johannes der Blaterer / aht /
- 22,9 schillinge vn- der Matter git drie schillinge / so gant siben schillinge von
einer Mattun lit hinder dem /

- 22,10 Closter ze Gvnterstal / die git Bosche von Gvnterstal / so gant sibem
schillinge von dem Rebeacker /
- 22,11 vor dem slierberge / das man nah sinem tode / swer siechmeister in dem
spittal ist da mitte den siechen /
- 22,12 die sin allerbeste bedurfen das beste tuon sol / vn- sol er das vor genante
gelt alles niezen vn- han die wile
- 22,13 er lebit / vn- sweles der vor genanten dinge versessen wirt vierzehen tage /
vn- das ovch sin Jargezit in dem
- 22,14 spittal nuit wurde begangen als er es an andern brieven besezzet het / vn-
ovch versessen wurde vierzehen
- 22,15 tage / so sol das gelt des dinges das versessen wirt / des Jares an vnser
frowen werk ze dem Mvnster ze /
- 22,16 friburg / hoeren / Har vber ze einem vrkuinde ist dirre brief mit der stette
ze friburg / vn- mit des vor genante-
- 22,17 spittals / Jngesigeln besigelt / Dirre brief wart gegeben ze friburg / in dem
Jare / do man zalte von gottis
- 22,18 gebuirte / zwelf hvndirt / Nvnzig / vn- vuinf . Jar . an sante Clementen
tage .
- 23,1 . allen die disen brief sehent / oder hoerent lesen / kuinde ich Otte von
Mengen / ein burger ze friburg / das ich einliftehalbe Juchert ackers /
- 23,2 die ligen in dem banne des dorfes ze Mengen in brisgoewe / die hie nach
geschriben stant / han verkovfet der erberen frowen fron agnesen
- 23,3 walthers seligen von slatte wirtinne / einer burgerin von friburg / vuir lidig
eigen / vmbe zwenzig marke loetiges silbers / geweges ze /
- 23,4 friburg / vn- bin ich der ganzeliche von ir gewert / vn- han ovch ir das vor
genante guot vf gegeben / lidig vn- lere / vn- han ovch ich vuir mich / vn-
- 23,5 vuir alle mine erben / gelobit der selben frowen / ir / vn- aller ir erben / vn-
nachkomenden / wer ze sinde des selben guotes / vuir lidig eigen gegen
- 23,6 allermeniglichem / ane allen iren schaden / vn- han ich das vor genante
guot wider von ir enphangen / mir / vn- allen minen erben / ze rehtem /
- 23,7 erbe / iemerme / vmbe aht mutte weizen / vn- aht mutte roggen / bi dem
besten so in dem selben banne wahset / zinses / Jergeliche ze /
- 23,8 vnser frowen mes der Jungern / der vor genanten fron agnesen / vn- iren
erben / vn- nachkomenden ze gebende / vn- het si mir vn- minen /
- 23,9 erben / das selbe guot also verluihen / mit solichem gedinge / das das selbe
guot iemerme ein mensche enphahen vn- tragen sol / vn- vngeteilet
- 23,10 sol beliben / vn- swenne es sich endirt so sol man geben zwene kappen ze
erschazze / vn- sint dis die acker / Jn der zelge wider Bien/gen /
- 23,11 ein Juchert lit nebent den von sante Johannese / vn- ist ein anwander / vn-
dar nebent ein Juchert zuihet vf die von sante Johannese /
- 23,12 an den selben ackern ziehent zwelf vuirhe vuir / die zwo Juchert ligen bi
der hohen anewart / bi dem anewart bi den von /
- 23,13 sante Johannese / vn- anderhalb Juchert vf dem hohstat “dv Blache /” vn-
ein ackerstucke des ist ein zweiteil zuihet vf drittehalbe
- 23,14 Juchert der von sante Johannese obe dem tal / vn- ein zweiteil wider Biengen
zuihet vf die Nvnna von Guinterstal / vn- ist ein /

- 23,15 ackerstucke / vn- ein ackerstucke des ist ein zweiteil / lit ze Holdra / Dis
sint die acker in der zelge wider schalstat / ein /
- 23,16 Juchert an dem Rebegarten zuihet wider das Nider riet / ein Juchert bi
Negellins graben / ein Juchert ze eselabruiggelin zuihet
- 23,17 wider die Risun / zwo haggehte Juchert vf schalstatter buihel / neben der
nideren brisgerin / Jch dv vor genante fro agnese /
- 23,18 vergihe der vor genanten dinge alse da vor geschriben stat / Har vber ze
einem vrkuinde ist dirre brief durh vnser beider bette /
- 23,19 Otten / vn- fron agnesen / mit der stette ze friburg / Jngesigel besigelt /
wir Her Dietrich von Tuiselingen / der schultheize / Her Johannes
- 23,20 von Tuiselingen burgermeister / vn- der Rat von friburg / durh bette der
vor genanten Otten / vn- fron agnesen / haben der stette
- 23,21 ze friburg Jngesigel ze einem vrkuinde / der vor geschriben dinge an disen
brief gehenket / Dis sint gezuige die hie bi waren . Her
- 23,22 Hug von Crozingen / Her Hug sin svn / Her Johannes kuecheli / Her
Goetfrit von Herdern / Her Heinrich von Mvnzingen / Her Ruodolf der /
- 23,23 Turner / Her Johannes hern Heinriches seligen sun von Mvnzingen / ritter
/ Johannes Buggenruitj / Johannes vo- Mvnzingen / Bruoder /
- 23,24 Heinrich von sante Claren / Berhtolt von Buggingen / wernher der zolner
/ Meier arnolt in fronehove / Berhtolt der sigeriste / peter
- 23,25 der Baseler / Der strube von amperingen / vn- ander erber luite gnuoge /
Dirre brief wart gegeben ze friburg in dem Jare do man /
- 23,26 zalte von gottis gebuirte / zwelf hvndirt / Nvnzig / vn- sehs / Jar / an sante
valentines tage .
- 24,1 . allen die disen brief sehent / oder hoerent lesen / kuinden wir Her
Dietrich von Tvselingen / der schultheize / Her Johannes von /
- 24,2 Tvselingen der burgermeister / von friburg / Her Johannes von valkenstein
/ Her Cvonrat von der Eiche / vn- Goetfrit von slezstat /
- 24,3 das wir da bi waren / vn- sahen / vn- horten / das Her Berhtold der
Bytricher von Hornberg gab zwene garten die ligent ze
- 24,4 Hornberg / die sin waren / fron adildeide Cvonrates von woffenbach seligen
/ tochter / von Hornberg / dv sin elich wirtinne was /
- 24,5 ze hande / lidig vn- lere / vn- da mitte ze tuonde swas si wil / vn- das ovch
dv selbe fro adilheit / an der selben stat / vn- ze der /
- 24,6 selben stunde / willecliche / vn- guetliche / sich verzech / aller der
ansprache / vn- vorderunge / vn- alles des rehtes so si an des /
- 24,7 selben hern Berhtoldes / dekeinem guote / ligendem / oder varendem /
hatte / oder han moehte / von dekeinen sachen / vn- gelobite
- 24,8 ime an sine hant das si niemer an dekeinem sinem guote / dekeine
ansprache / noch vorderunge / woelte gewinnen / bi sinem
- 24,9 lebende / noch nach sinem tode / ane alle geverde / Har vber ze einem
vrkuinde ist dirre brief mit vnser aller Jngesigeln /
- 24,10 besigelt . Dirre brief wart gegeben ze friburg / in dem Jare / do man zalte
von gottis gebuirte / zwelf hvndirt / Nvinzig / vn-
- 24,11 sehs / Jar / an dem nehisten zistage vor sante volriches tage .

- 25,1 . alle die disen brief sehent / oder hoerent lesen / die svin wissen das
 Cvonrat selige von Costenze / an sinem totbette mit fron Jrmin/garte
 25,2 siner elichen wirtinne / wissende / willen / vn- gehellvnge / alles sin ligende
 guot das hie geschriben stat . das ist das vorder / hvs
 25,3 da er inne was an dem kilchove / ganzeliche / vn- das halbteil des nehisten
 hvses da hinder / vn- das halbteil genselins hvses /
 25,4 vn- des Oven huses dar nebent / an dem kilchove / vn- das halbteil vuinf
 huiser dvi ligent an einander in broegelins gassen / vn- das
 25,5 halbteil des Benggellers hvses / vn- des nehisten hvses da hinder / vn- das
 halbteil des koelners Oven hvses / vn- das halbteil des
 25,6 hvses in der hinderen wolfhuiwelen / nebent der hvse von Brisach / vn-
 drissig phenninge / geltes / von einem halben hvse / der /
 25,7 verwerin in der Tromelosen gassen / vn- das halbteil des Garten / vor hern
 Buggenruitins tor / ze sinem selgerete het besezzet
 25,8 vn- gegeben / ordenliche alse hie geschriben stat / Dvi vor genante fro
 Jrmingart / fro Mehthilt ir tochter / Burkart ir wirt /
 25,9 vn- irvi kint dvi si ietze hant . anne . katherine / vn- Cvonrat / svin das vor
 genante guot han vn- niezen ellvi mit einander alle die
 25,10 wile so si oder ir deheines lebent . vmbe zwene phenninge zinses / Jergeliche
 ze sante Martins mes dem spittal des heiligen / geistes
 25,11 ze friburg / ze gebende / vn- hant si das selbe guot von dem spittal also
 enphanen / vn- swenne ir deheines stirbet so svin dvi
 25,12 andern / das guot han / vn- so si ellvi sterbent / so sol es an den selben
 spittal vallen / vn- svin dvi vor genanten sehs menschen / das
 25,13 nehiste Jar . nach des vor genanten Cvonrates tode tegeliche einen
 phenning ze der Luitkilchen ze friburg . ze messe dem /
 25,14 priester opferon / vn- swenne dvi vor genante fro Jrmingart en ist / so svin
 dvi andern / nach dem selben Jare / tegeliche die wile /
 25,15 si oder ir deheines lebent . einen phenning in dem spittal ze messe dem
 priester opferon / vn- so si ellvi sterbent / so sol swer in /
 25,16 dem spittal meister ist / iemerme / tegeliche einen phenning in dem spittal
 ze messe dem priester opferon / durh des vor genan/ten
 25,17 Cvonrates / vn- fron Jrmingarte / vn- Heinriches ires erren wirtes seligen
 selen willen / Har viber ze einem vrkuinde ist dirre
 25,18 brief mit der stette ze friburg / Jngesigel besigelt / Dis sint gezuige die hie
 bi waren . Her Heinrich von Gisingen ein /
 25,19 priester . Her Hug von Crozzingen der alte / Her Heinrich spoerli / Her
 Burkart Meinwart / ritter / Her Goetfrit vo- slezstat /
 25,20 Her volrich der Merdinger der Linweter / Bruoder Burkart von Crozzingen
 / Bruoder Berhtolt der suter / abreht der brotbeke /
 25,21 vn- ander erber luite gnuoge / Dirre brief wart gegeben / ze friburg / in
 dem Jare do man zalte von gottis gebuirte / zwelf
 25,22 hvndirt . Nvinzig / vn- siben . Jar . an dem nehisten samestage vor sante
 Gregorien tage .
- 26,1 . alle die disen brief sehent / oder hoerent lesen / die svin wissen / das Der
 strovfer / vn- Burkart von Tottinkouen / burger vo- friburg /

- 26,2 an hern Heinriches seligen wolleben kinde stat / Nicolawes / wolleben /
 Cvenzins / vn- Ruedins / hant verkofet / das guot das si hatten /
 26,3 ze viringen / acker / reba / Matta / holz / hoeve / hofstette / hviser / garten
 / zinse / vn- swas si guotes / vn- gelt es da hatten / mit allem /
 26,4 rehte so dar zuo hoeret / Den Duirftigen des spittals des heiligen geistes /
 ze friburg / vuir lidig eigen / vmbe vuinf vn- ahzig marke /
 26,5 loetiges silbers / geweges ze friburg / vn- sint die vor genanten der strovfer
 / vn- Burkart von Tottinkouen / vn- dvi kint des selben silbers /
 26,6 ganzeliche von dem spittal gewert / vn- hant ovch si dem spittal / das vor
 genante guot / gegeben / vn- gevertiget ze friburg vnder / der /
 26,7 Rihtelovben / an offenem gerihte / mit vrteilde / an dem selben gerihte
 seiten der selben kinde nehisten mage von vatter vn- vo- muoter /
 26,8 Johannes vn- Heinzeman ir bruoder / der strovfer / Burkart von
 Tottinkouen / vn- Meinwart sin bruoder / vf iren eit das es den selben
 /
 26,9 kinden besser were getan denne vermitten / vn- gaben ovch dvi vor
 genanten kint das vor genante guot hern Goetfride vo- slezstat /
 26,10 an des spittals stat / vf lidig / vn- lere / Har viber ze einem vrkuinde ist
 dirre brief mit der stette ze friburg / Jngesigel besigelt /
 26,11 Dis sint gezuige die hie bi waren / Her Cvonrat von Tviselingen / der saz
 ze gerihte / Her Hug von Mvnzingen / Her Johannes
 26,12 kuecheli / Her Hug von Crozingen / Her Hug sin svn / Her Cvonrat
 kuecheli / Her Cvonrat kozze / Her Burkart Meinwart / her Cvonrat
 26,13 von der Eiche / Her Johannes von Mvnzingen in der Nuiwenburg / Her
 Johannes Hern Heinriches seligen svn von Mvnzingen / vn- Her /
 26,14 Herman wissilberli / vn- ander erber luite gnuoge / Dis ding beschach ze
 friburg / in dem Jare do man zalte von gottis gebuirte / zwelf /
 26,15 hvndirt / Nvinzig / vn- siben / Jar / in dem selben sibenden Jare / an der
 nehisten Mittechen nach sante ambrosien tage /

 27,1 . allen die disen brief sehent / oder hoerent lesen / kuinden wir Goetfrit
 von slezstat der Meister / vn- die bruoder / pfleger des spittals des heiligen
 27,2 geistes ze friburg / das Her Berhtold der Bvittricher / dem selben spittal /
 durh siner sele willen het gegeben / siben phunt phenninge brisger /
 27,3 vn- vuinf sovme wises wines / vn- drie mutte weizen / gelt es / Jergeliche
 / vn- gab er das gelt / vier phunt phenninge / an dem guote das hern
 Heinriches
 27,4 wolleben seligen was / das da lit in der Nuiwenburg / vf dem graben / vn-
 zwei phunt phenninge / an dem guote ze sigolzhein / das Her /
 27,5 volrich der schultheize het / vn- ein phunt an einer Matten ze Crozingen
 / die der Moerder het . vn- die vuinf sovme wines an dem guote ze viringen
 27,6 das her Ruodolf Nibelung het / vn- die drie mutte weizen gelt es / an dem
 guote ze Mvnzingen / das Meier Burkart der schenke het / vn- sol
 27,7 man ime von dem spittal das vor genante gelt / phenninge / wines /
 vn- kornes / geben alle die wile so er lebit / die phenninge von dem vor
 ge/nanten
 27,8 hern wolleben guote / halbe ze svinegihten / vn- halbe ze winnahten / vn-
 den win ze herbiste . des wines so vf dem guote wahset da von er gat /

- 27,9 vn- das korn ze vnser frowen mes der Jungern / vf dem spittal abe dem
 kornhuse / vn- sol man ime den win allewege entwurten in sweles hvs /
 27,10 er wil ze friburg / ane sinen schaden / vn- swenne er en ist . so ist das vor
 genante gelt . alles dem selben spittal lidig . also das man da sin Jargezit
 27,11 mit vier phunden phenningen / gelttes / Jergeliche / iemerme / began sol
 / in dem spittal / als es den duirftigen allerbeste vueget / vn- swenne man
 das
 27,12 verseze / so svin dvi vier phunt des Jares an vnser frowen werk ze dem
 Mvinster ze friburg hoeren / Har viber ze einem vrkuinde ist dirre brief /
 27,13 mit des vor genanten spittals Jngesigel besigelt / Hie bi waren dise gezuige
 / Her Thoman / vn- Her Heinrich zwene priester / Her Johannes /
 27,14 kuecheli / Her Hug von Crozzingen / ritter / Meister Burkart der schroeter
 / peter von Baldingen . Ruodolf der Rintkovfe / Her Cvonrat der /
 27,15 Gisinger / Cvonrat der wisse / Cvonrat der stokwerter / Heinrich salatti /
 Jacob der seiler / stoeckeli / Jacob zveli / Bruoder Burkart vo- Croz/zingen
 /
 27,16 Bruoder Johannes der sibelinger / Bruoder Burkart Ederli / Bruoder
 Berhtolt der suter / phleger des spittals / vn- ander erber luite /
 27,17 gnuoge / Dirre brief wart gegeben ze friburg / in dem Jare do man zalte /
 von gottis gebuirte / zwelf hvndirt / Nvnzig / vn- siben / Jar in dem
 27,18 selben sibenden / Jare / an dem nehisten fritage vor sante Barnabes tage
 des zwelfbotten .

 28,1 . alle die disen brief sehent / oder hoerent lesen / die svin wissen das Her
 Johannes der swab von slatte ein burger ze /
 28,2 friburg / het gegeben / swester annen siner tochter / anderhalbe Juchert
 mattan / ligent ze den holzmattan / vn- anderhalbe
 28,3 Juchert mattan ligent ze dem banstucke / in dem banne ze slatte / ze lidigem
 eigen / vn- het er ir die selben Matta vf /
 28,4 gegeben lidig vn- lere / vn- het si beide von ir enphangen / ime / vn- fron
 Mehthilde siner wirtinne / ze hande vn- ze /
 28,5 niezende / die wile si lebent / vmbe sehs phenninge / brisger / zinses /
 Jergeliche ze sante Martins mes der vor genanten /
 28,6 swester annen ir tochter ze gebende / vn- swenne ir deweders stirbet so sol
 das ander die matta vmbe den selben zins /
 28,7 han die wile es lebit / vn- so si beidvi sterbent / so sint die Matta beide der
 selben swester annen lidig / vn- het der vor ge/nante
 28,8 her Johannes der selben swester annen die vor genanten Matta gegeben /
 vn- gevertiget / vn- het si wider enphan/gen
 28,9 also da vor geschriben stat / ze friburg / vnder der Rihtelovben . an offenem
 gerichte / mit vrteilde / da wart /
 28,10 erteilet das er es wol getuon moechte . Har viber ze einem vrkvinde ist dirre
 brief mit der stette ze friburg Jngesigel /
 28,11 besigelt / Hie bi waren dise gezuige / Her Dietrich von Tuiselingen / der
 schultheize / Her Cvonrat von Tvselingen / Heinrich
 28,12 zenli / Heinrich vocke / Heinrich sin svn / abreht der Lange / Her Cvonrat
 geben / vn- ander erber luite gnuoge / Dis ding /

- 28,13 beschach / vn- wart dirre brief gegeben ze friburg / in dem Jare do man
zalte von gottis gebuirte / zwelf hvndirt /
- 28,14 Nvinzig / vn- siben Jar / an dem nehisten fritage nach sante Barnabes tage
des zwelfbotten .
- 29,1 . alle die disen brief sehent / oder hoerent lesen / die svin wissen das Her
Ruodolf der Tvrner ein ritter von friburg / Johannes vn- Margrete sinvi
geswistergit / hant
- 29,2 verkofet / eine Matten heizet Hern snewilins Bruegel / vn- lit in dem
banne ze wiler / bi Enimuetingen / vn- swas dar zvo hoeret mit allem rehte
/ wernher dem /
- 29,3 vogete von Heinbach / vuir lidig eigen / vmbe drissig marke loetiges silbers
/ geweges ze friburg / vn- sint si der ganzeliche von ime gewert . vn- sol
das wasser /
- 29,4 durh den Bruegel gan vf hern Burkartes des Tvrners Matta die vnderthalb
ligent / die ovch ze wessernde / vn- svin si beidenthalb allewege gelichen
schaden
- 29,5 han das wasser von der Elza dar ze vuerende / vn- beschach dis ding ze
friburg vnder der Rihtelovben . an offenem gerihte / mit vrteilde / an dem
selben /
- 29,6 gerihte seiten der vor genanten Hern Ruodolfes / Johannes / vn- Margreten
. nehisten mage von vatter vn- von muoter / Her Burkart der Tvrner . Her
Ruodolf /
- 29,7 sin svn / Cvonrat Mviller geben svn / vn- Johannes Degenhart / vf iren eit
. das es den selben Johannese / vn- Margreten besser were getan denne
vermitteln / vnde
- 29,8 gaben ovch die selben Her Ruodolf Johannes / vn- Margrete / die vor
genante Matten / dem vor genanten wernher dem vogete vf lidig vn- lere /
Har viber / ze einem
- 29,9 vrkuinde ist dirre brief mit der stette ze friburg Jngesigel besigelt / Hie bi
waren dise gezuige / Her Johannes snewili / Her Johannes von Munzingen
/ Her /
- 29,10 Cvonrat Geben / Johannes der Hevenler / Johannes slegelli / Johannes von
Bondorf / Der stovfer / peter von Baldingen / Mviller geben / vn- ander
erber luite /
- 29,11 gnuoge / Dis ding beschach / vn- wart dirre brief gegeben / ze friburg / in
dem Jare do man zalte von gottis gebuirte / zwelf hvndirt / Nvinzig / vn-
siben /
- 29,12 Jar / in dem selben sibenden Jare / an dem nehisten samstage nach vnser
frowen mes der erren in dem ovgesten .
- 30,1 . wir Marcgrave Heinrich / vn- Marcgrave Ruodolf / von Hahperg /
gebruoder / Tuon kunt allen die disen brief sehent / oder hoerent /
- 30,2 lesen / das wir haben verkofet / sehzig mutte geltes / Jergeliche . der sint
vierzig mutte roggen / vn- zwenzig mutte habern /
- 30,3 von vnserm hove / ze Hvsen in dem vorste / den Burkart der schvoler / vn-
Cvonrat der Haller / von vns ze erbe hant . vn- von allem /

30,4 dem guote so dar zvo hoeret / abrehte von arra / fron katherinen siner
 wirtinne / vn- der selben fron katherinen bruodern . Nicolawese /
 30,5 pause / vn- dem vnmuessigen / mit allem rehte lidecliche / ze hande vn-
 ze niezende / vmbe vierzig marke / loetiges silbers / geweges /
 30,6 ze friburg / vn- sin wir der ganzeliche von in gewert / vn- hant die vor
 genanten Burkart / vn- Cvonrat von vnserm heizende gelobit
 30,7 vuir sich vn- vuir alle ir erben / in / vn- allen iren erben / das vor genante
 gelt / Jergeliche ze sante Martins mes / ze gebende /
 30,8 vn- haben ovch wir beide gelobit vnuerscheidenliche / vuir vns / vn- vuir
 alle vnser erben / den vor genanten abrehte / vn- siner wirtin-e
 30,9 vn- iren bruodern / ir / vn- aller ir erben / wer ze sinde / des vor genanten
 geltes / iemerme / gegen allermeniglichem ane allen iren /
 30,10 schaden / vn- hant si ovch durh vnser bette / vns gelobit / obe wir / oder
 vnser erben / hinnan ze sante Martins mes / so nv nehiste /
 30,11 kumet / vn- dar nach in den nehisten vier Jaren / das selbe gelt / wider
 wellen kovfen / das si vn- ir erben / es vns ze kovfende /
 30,12 svin geben / vmbe vierzig marke / loetiges silbers / des vor genanten
 geweges / vn- wellen wir das selbe gelt wider kovfen in dem
 30,13 selben zile / das svin wir tuon von sante Martins mes / vnze ze der nehisten
 Lichtmes da enzwiscent / tuon aber wir es nach /
 30,14 der Lichtmes / so sol man in das selbe gelt des Jares / zvo dem silber geben
 / Har viber ze einem vrkuinde / vn- das dis stete /
 30,15 belibe / ist dirre brief mit vnser beider Jngesigeln / besigelt / Dirre brief
 wart gegeben / ze Hahperg / in dem Jare do man
 30,16 zalte von gottis gebuirte / zwelf hvndirt / Nvinzig / vn- siben / Jar / in dem
 selben sibenden Jare / an dem nehisten fritage /
 30,17 nach vnser frowen mes der Jvngern .

31,1 . allen die disen brief sehent / oder hoerent lesen / kuinde ich Cvonrat der
 Beitscher ein burger von friburg / das ich einlif mutte roggengeltes /
 31,2 Jergeliche / zwiscent den zwein messen / vnser frowen der erren / vn- der
 Jvngern / ze gebende / von den sehzeihen mutten roggen/geltes /
 31,3 von minem guote ze Hustat . das Johannes der swarze / vo- Hustat / von
 mir ze erbe het . han verkovfet vuir lidig eigen / Hüge dem /
 31,4 sigeristen / einem burger von friburg / vmbe eines vn- drissig phunde /
 phenninge / brisger / vn- bin ich der ganzeliche von ime gewert / vn- het
 31,5 der vor genante Johannes der swarze / vo- minem heizende gelobit vuir sich
 / vn- vuir alle sine erben / an dem selben guote / dem vor genante- Hüge /
 31,6 vn- sinen erben / oder swem er es heizet geben / allewege / das selbe gelt
 die einlif mutte roggen / ze gebende ane alle geverde / vn- het ovch /
 31,7 der selbe hvg / mir durh mine liebi gelobit / ob ich hinnan ze sante
 Margareten mes so nv nehiste kumet / vn- dannan viber ein Jar . das /
 31,8 selbe gelt wider wil kovfen / das er vn- sine erben / oder sine nahkomenden
 / mir / vn- minen erben / es wider ze kovfende svin geben / vmbe eines /
 31,9 vn- drissig phunde phenninge / brisger / Jch der vor genante hug / vergihe
 der selben geluibide vn- der dinge / alse da vor geschriben stat . vn- /
 31,10 gelobe si stete ze hande / ane alle geverde / Har viber ze einem vrkuinde
 durh vnser beider bette / ist dirre brief mit der stette ze friburg /

- 31,11 Ingesigel / besigelt / Hie bi waren dise gezuige / Her Dietrich von
Tviselingen der schultheize / Her peter der Mvinzemeister / Hesse von
/
31,12 Bondorf / Johannes der Hentschuohar / Burkart der Beler / Cvonrat
Eberspach / Johannes sin schriber / vn- ander erber luite gnuoge / Dirre /
31,13 brief wart gegeben / ze friburg / in dem Jare do man zalte von gottis gebuirte
/ zwelf hvndirt / Nvinzig / vn- siben / Jar / in dem selben /
31,14 sibenden Jare / an dem nehisten zistage vor sante Thomannes tage des
zwelfbotten /.
- 32,1 . alle die disen brief sehent / oder hoerent lesen / die svin wissen / das
Lanze von valkenstein / vn- Nicolawes sin bruoder . hant verkofet die /
32,2 Mattun die heizet / “Des vassers bruegel /” vn- lit in dem tal bi Ebenoete
/ nebent der Treisemun / vn- swas dar zvo hoeret / mit allem rehte /
32,3 Goetfride von slezstat dem Meister des spittals des heiligen geistes ze
friburg / an des spittals stat . vuir lidig eigen / vmbe zwenzig marke
32,4 loetiges silbers / geweges ze friburg / vn- sint si des selben silbers ganzeliche
von ime gewert / vn- hant die selben gebuoder / die selbe mattun /
32,5 vn- swas dar zvo hoeret / enphangen / von dem selben spittal / ze hande /
vn- ze niezende / ze rehtem erbe / vmbe vuinf phunt phenninge /
32,6 brisger / zinses / Jergeliche / ze sante Martins mes / dem spittal ze gebende
/ vn- swenne es sich endirt / so git man sehs schillinge phenninge
32,7 ze erschazze / vn- swenne die vor genanten gebuoder / oder ir erben / oder
ir nachkomenden das vor genante zil versizzent das si nvit
32,8 gebent den vor genanten zins also da vor geschriben stat / so sol dvi vor
genante Matte / vn- swas dar zvo hoeret / mit allem rehte dem spittal /
32,9 lidig sin . vn- beschach dis ding / vn- wart gevertigot / ze friburg / in dem
Rate / vor den vier vn- zwenzigen / mit vrteile / da seiten vf
32,10 iren eit / der vor genanten gebuoder nehisten mage von vatter / vn- von
muoter / Her Colman ein ritter / Der vor genante Goetfrit vo- slezstat
32,11 walther von valkenstein . vn- der vor genante Lanze / das es den selben
gebuodern besser were getan denne vermitten / Har viber ze einem /
32,12 vrkuinde / ist dirre brief mit der stette ze friburg / Ingesigel besigelt / Hie
bi waren dise gezuige / Der edel herre grave Egen vo- friburg /
32,13 Her Dietrich von Tviselingen der schultheize / Her Johannes kuecheli /
Her Egenolf kuecheli / Her Cvonrat von der Eiche . ritter . Der /
32,14 zilige . her Johannes von stuelingen / Her Cvonrat geben / Burkart von
Tottinkouen / Cvonrat Troesche / Johannes Bitterolf . Johannes vo-
Bondorf .
32,15 Her Heinrich Rinderli / Her Cvonrat der Gisinger / Johannes der verler /
vn- ander erber luite gnuoge . Dis ding beschach / vn- wart dirre /
32,16 brief gegeben / ze friburg / in dem Jare / do man zalte / von gottis gebuirte
/ zwelf hvndirt . Nvinzig / vn- aht / Jar / in dem selben ahtoden Jare /
32,17 an sante vincentien tage .
- 33,1 . alle die disen brief sehent / oder hoerent lesen / die svin wissen / das
Goetfrit von slezstat / an sines bruoder seligen Cvonrates /

- 33,2 kinde stat / Goetschins des Jvngern / vn- katherinen / het verkovfet / das
hvs das da lit in der Nwiwenburg / ze friburg / bi /
- 33,3 der herren closter von sante Johannese / nebent des spittals troten / das
der selben kinde was . vn- swas dar zvo hoeret / Den /
- 33,4 Dvirftigen des spittals des heiligen geistes / ze friburg / ze hande vn- ze
niezende / mit allem rehte so dar zvo hoeret / vmbe
- 33,5 drizig marke loetiges silbers / geweges ze friburg / vn- ist er der ganzeliche
von in gewert / vn- beschach dis ding / ze friburg /
- 33,6 vnder der Rihtelovben / an offenem gerihte / mit vrteilde / da wart erteilet
/ wan man die vor genante tohter mit dem selben /
- 33,7 hvse / vn- mit anderm guote ze closter tete / vn- nochdenne dem vor
genanten Goetschin / ze sinem teile / me guotes denne der selben
- 33,8 tohter beleib / alse der selben kinde nehisten mage von vatter vn- von
muoter Her andres von Tottinkouen / der vor genante /
- 33,9 Goetfrit von slezstat / Cvonrat Troesche / vn- Heinrich von vuirstenberg .
seiten vf iren eit / Das der vor genante kovf / wol moehte
- 33,10 vn- soelte stete beliben / Dar zvo gab der selbe Goetschi / dem selben spittal
/ vf / sinen teil des selben hvses / vn- swas er dar an hatte /
- 33,11 lidecliche / vn- willecliche / Har viber ze einem vrkuinde ist dirre brief mit
der stette ze friburg / Jngesigel besigelt / Hie bi waren
- 33,12 dise gezuige / Her Dietrich von Tviselingen der schultheize / Her Johannes
kuecheli / Her Hvg von Crozingen / Her Cvonrat kozze
- 33,13 Her Egenolf kuecheli / Her Goetfrit von Herdern / Her Ruodolf der Tvrner
/ ritter / Cvonrat Troesche / Der zilige / Her abreht /
- 33,14 der Lange / Johannes von Tviselingen / Johannes der Hevenler / vn- ander
erber luite gnuoge / Dis ding beschach vn- wart dirre
- 33,15 brief gegeben ze friburg / in dem Jare do man zalte von gottis gebuirte /
zwelf hvndirt Nvinzig / vn- aht jar . in dem selben
- 33,16 ahtoden Jare / an der nehisten Mittechen nach vnser frowen tage ze der
Lichtmes .
- 34,1 . allen die disen brief sehent / oder hoerent lesen / kinde ich Heinrich
von Merdingen / ein /
- 34,2 Tvomherre ze sante stephan ze Costenze / das ich han ze kovfende gegeben
/ ein phunt
- 34,3 phenninge / vn- vier phenninge / brisger / Jergeliches geltes / an dem
nehisten hvse an minem
- 34,4 hove obenan in der owe ze friburg / vn- von allem so zuo dem hvse hoeret
/ Dem Meister des /
- 34,5 spittals des heiligen geistes ze friburg / an des spittals stat . vmbe vuinf
marke loetiges silbers geweges
- 34,6 ze friburg / vn- bin ich der gewert / wan ich solte gelten / Meister volriche
seligen von Nuiwenburg /
- 34,7 einem tuomherren ze sante Johannese ze Costenze / das selbe silber / vn-
ist das mir nv abe / geslagen /
- 34,8 vn- het Johannes der valkener ein gerwer / das vor genante hvs enphangen
von dem /

- 34,9 spittal ze rehtem erbe . vmbe das vor genante phunt phenninge / zinses
Jergeliche ze win/nahten
- 34,10 dem spittal ze gebende / vn- sol iemerme swer des spittals Meister ist / den
vor genante-
- 34,11 zins so er ime vergolten wirt / geben / dem Conuente ze den bredieren ze
friburg / Jergeliche ze /
- 34,12 des vor genanten Meister volriches Jargezite / vmbe vische / vn- swenne das
erbe sich endirt so /
- 34,13 git man einen kappen ze erschazze / Har viber ze einem vrkuinde ist dirre
brief mit minem / vn- /
- 34,14 mit des vor genanten spittals / Jngesigeln / besigelt . Hie bi waren dise
gezuige / Her Johannes vn-
- 34,15 Heinrich mine bruoder / Goetfrit von slezstat des spittals Meister /
Bruoder Burkart von Crozinge- /
- 34,16 Bruoder Johannes der sibelingier / vn- ander erber luite gnuoge / Dis ding
beschach / vn- wart dirre /
- 34,17 brief gegeben / ze friburg / in dem Jare / do man zalte von gottis gebuirte
/ zwelf hvndirt / Nvinzig /
- 34,18 vn- aht / Jar / in dem selben ahtoden Jare / an dem nehisten donrestage
nach sante Mathys tage /
- 34,19 des zwelfbotten .
- 35,1 . allen die disen brief sehent / oder hoerent lesen / kuinde ich Johannes
Ederli / her Cvonrates Ederlins seligen svn / ein burger von friburg / das
ich / den hof ze Mvnzingen / den Meier Landolt buwet / vn- het / vn- lit
nebent
- 35,2 Heinrichs hof von Mvnzingen / vor des spittals hof viber / vn- den hof /
den Bvirgi der Rote buwet / vn- lit zwischent der frowen hof von Gvinterstal
/ vn- Johannes hof von stuelingen / vn- den hof den Meier arnolt der Lange
/
- 35,3 het / der lit ze vsserost wider hvsen / vn- was Meier Burkartes des frigen vo-
Rimsingen / vn- swas ze den selben hoeven hoeret / vn- die selben hoeve
ligent in dem dorfe ze Mvnzingen / vn- alles das guot / vn- das gelt / das
ich /
- 35,4 hatte in dem banne / vn- in dem dorfe ze Mvnzingen / oder swa es da vmbe
lit / an hoeven / oder an hofstetten / an hvisern / an garten . an ackern /
an Mattan . an reban / an zinsen . an wasser . an holze / vn- an velde /
gebuwen /
- 35,5 vn- vngebuwen / das die luite die hie nach geschriben stant / buwent /
vn- hant / vmbe Jergelichen zins / also hie nach geschriben stat / vn-
voget Ruedigers von Rimaggurt acker . Marchsteines acker . Das garten /
stuickeli
- 35,6 bi der bach / bi Meier Burkarte dem zimberman / vn- des Tviuels acker /
vn- swas man des guotes me da vindet das min was / ane zwo Juchert reban
/ der lit invi in winthusen / vn- dvi ander lit ze lindeb'g /
- 35,7 han ze kovfende gegeben / ein teil des guotes vuir eigen / vn- ein teil vuir
erbe / mit allen rehten dvi dar zvo hoerent . Johannese pittit dem Hevenler
/ einem burger ze friburg / ze hande / ze niezende / vn- da mitte ze /

- 35,8 tuonde das sin wille ist / vmbe einen halben vierdung / vn- anderhalb
hvndirt marke loetiges silbers . geweges ze friburg / vn- vergihe ich an
disem brieve das ich des selben silbers . ganzeliche von ime bin gewert .
vn- han
- 35,9 ich ime das selbe guot vf gegeben / vn- in sine gewalt geentwurtet lidig vn-
lere / vn- das guot das ietze ze erbe nvit verluihen ist / han ich ime da vuir
gegeben / das nvit me da von gat wan zwene vn- zehen schillinge
- 35,10 phenninge / ze zinse in fronehof / vn- drittehalb schilling / ze wisvng /
vn- vuinf schillinge an die kilchen ze Mvnzingen . vn- sibendehalb schilling
/ ze vogetstuire . vn- ze gewerfte / Jergeliche . vn- swas da von me gat /
- 35,11 das sol ich ime abe legen / vn- abe tuon / Dar zvo han ich einen eimer wines
/ vn- zwene schillinge die von den vier Jucherten ackers die Marchsteines
waren / giengen / ze vogetstuire / vn- ze gewerfte / dar abe geleit /
- 35,12 vf minvi vor genanten / zwej Rebestucke / woelte man aber die vogetstuire
vn- das gewerft / nvit da nemen so sol er es verrihten / vn- sol es vf den
selben zwein rebestucken han / vn- sol ich dvi von ime dar vmbe
- 35,13 ze erbe enphahen / vn- han / vn- han ovch ich gelobit / vn- gelobe ovch
an disem brieve / vuir mich / vn- vuir alle mine erben / dem vor genanten
Johannese pittit / sin / vn- aller siner erben / wer ze sinde / des selben
guotes /
- 35,14 alles / alse da vor geschriben stat / iemerme gegen allermeniglichem / alse
reht ist / ane allen iren schaden . Jch han ovch gelobit vuir mich / vn- vuir
alle mine erben / den vor genanten kovf stete ze hande /
- 35,15 vn- niemer da wider ze komende / noch ze tuonde / mit worten noch mit
werken / ane alle geverde / vn- verzihe mich / vuir mich / vn- vuir alle mine
erben / alles rehtes / vn- gerihtes / geistliches / vn- weltliches / vn- /
- 35,16 aller dinge da mitte wir wider disen kovf / oder wider disen brief vit getuon
moekten / vn- sint dis die luite die das selbe guot hant / vn- gent disen zins
da von / alse hie geschriben stat / Meier Landolt / git sehs /
- 35,17 vn- vierzig mutte roggen / Bvirgi der Rote git drittehalben / vn- drizig
mutte roggen / siben mutte weizen / vn- siben mutte gerstun / Meier arnolt
der Lange / git Nvin mutte roggen / Eberli der sahse /
- 35,18 git sehs mutte roggen / Heinriches des sachsen seligen kint / gent vuinf
mutte roggen / fro Else dvi seillin git ein malter roggen / Meier Burkart
der zimberman / git drie mutte roggen / Meier Heinrich /
- 35,19 von Nuiwenburg / git ein malter roggen / Bertschi der sigeriste git ein
malter roggen / Heini schvibi / vn- Cveni sin bruoder / gent vier mutte
roggen . Johannes der buman der brotpecke / git vuinf sester
- 35,20 roggen / Bertschi koeveli git ein mutte roggen / Cvonrat der woler / git
ein mutte roggen / Heini gerhart / git ein mutte roggen / Cvonrat der
wasserman git / einlif schillinge phenninge / Johannes snewili
- 35,21 git zehen schillinge / vn- zwene kappen / Heinrich Bilstein git
zehendehalb schilling / vn- zwene kappen . Bvirgi von achein / git vuinf
schillinge Heinrich Becheli git sehs schillinge / vn- einen kappen / wernher
der /
- 35,22 Becheler git zwene schillinge . Cvonrates guiftings seligen frowe git vier
schillinge / vnde drvi hvenre . vn- Ruodolf kvibel git drie gense . Har viber
ze einem vrkuinde ist dirre brief durh mine bette mit der

- 35,23 stette ze friburg / Jngesigel besigelt . wir Her Dietrich von Tviselingen der
schultheize / Her Johannes von Tviselingen der burgermeister / vn- der Rat
von friburg / durh bette des vor genanten Johannes
- 35,24 Ederlins / haben vnser gemeinde Jngesigel an disen brief gehenket . Hie
bi waren dise gezvige / Her Dietrich vo- Tviselingen der schultheize / Her
Johannes kuecheli / Her Egenolf kuecheli / Her Cvonrat kuecheli .
- 35,25 Her Hug vo- Crozzingen / Her Ruodolf der Tvrner . ritter . Johannes vo-
Tviselingen / Der strovfer / Her Burkart der goltsmit . Her peter / vn- Her
Jacob die Mvinzemeister . Her Cvonrat der smit vo- tottenowe . Johan-es
- 35,26 vn- der viringer / vn- Guotman / die hevenler . Johannes der Hentschuohar
. Cvonrat geben . Johannes Beiging / vn- ander ereber luite gnuoge . Dis
beschach / vn- wart dirre brief gegeben ze friburg / in dem Jare do man
- 35,27 zalte vo- gottis gebuirte . zwel hvndirt . Nvinzig / vn- aht . Jar . in dem
selben ahtoden Jare / an der nehisten Mittechen nach sante Johannes tage
ze svinegihten .
- 36,1 . wir Marcgrave Heinrich von Hahperg / Lantgrave ze brisgoewe / tuon
kunt allen die disen brief sehent / oder hoerent lesen / das wir sazen ze
gerihte /
- 36,2 vn- an dem selben gerihte / vor vns / gab der edel herre Her willeheln / von
swarzenberg / ze kovfende / Den Hof / der lit ze Teningen in dem dorfe /
- 36,3 den Cvonrat von Basil hatte / mit allem guote / vn- mit allen rehten / so
dar zvo hoerent / vuir lidig eigen / Johannese Clingen / vn- fro adilheide der
/
- 36,4 Tolerin von friburg / vmbe vuinfzig marke / loetiges silbers / geweges ze
friburg / vn- veriach ovch der selbe herre vor gerihte / das er des selben /
- 36,5 silbers / ganzeliche von in si gewert / vn- het ovch er / in / den selben hof
/ vn- swas dar zvo hoeret / in ir gewalt geentwurtet lidig vn- lere . vn-
- 36,6 het in den selben hof / vn- swas dar zvo hoeret gegeben / vn- gevertiget /
mit der edelen frowen fron Heliggen siner wirtinne / vn- mit ir vogetes
- 36,7 graven Egen von friburg / mvnde / vn- handen / vn- gab dvi selbe frowe
mit ires vor genanten vogetes hant / den selben hof / vf / mit /
- 36,8 allem guote / vn- mit allen rehten / so dar zvo hoerent / den vor genanten
Johannese / vn- fron adilheide / willecliche / lidig / vn- lere / vn- verzech
sich /
- 36,9 alles rehtes / so si dar an hatte / vn- beschach dis vor gerihte / vor vns /
mit vrteilde . Har viber ze einem vrkuinde / vn- das dis stete belibe /
- 36,10 ist dirre brief mit vnserm / vn- mit der vor genanten Hern willehelmes / vn-
graven Egen / Jngesigeln / besigelt . wir willeheln herre von swarzenberg
/
- 36,11 fro Heligge sin wirtinne / vn- grave Egen von friburg / ir voget / vergehen
der vor genanten dinge / vn- geloben si stete ze hande alse
- 36,12 da vor geschriben stat / ane alle geverde / vn- dar vmbe haben wir Her
willeheln / vn- grave Egen / vnservi Jngesigel / an disen brief gehenket /
- 36,13 vn- mich die vor genante frowen fron Heliggen / wan ich ingesigels nvit
han / begnueget / mit den selben Jngesigeln an disem brieve . Hie bi /
- 36,14 waren dise gezuige / Die edelen herren / Her volrich von Eistat / Her Cvone
von Berghein / Her Hildebrant spenli / Her Dietrich vo- keppenbach /

- 36,15 der Jvnge / Her Cvonrat von vischerbach / Her Ruodolf Boehart / Her wernher von schaftolzhein / ritter / Der zilige / abreht sigebot / waltkilch /
- 36,16 abreht sin svn / Hvg sigebot / vn- ander ereber luite gnuoge / Dis ding beschach ze waltkilch / in dem Jare do man zalte von gottis gebuirte /
- 36,17 zwelf hvndirt / Nvinzig / vn- aht . Jar . in dem selben ahtoden Jare / an der nehisten Mittechen nach sante Marien Magdalenen tage .
- 37,1 . allen die disen brief sehent / oder hoerent lesen / kvinde ich Her volrich von Eistat / das ich alle die an/sprache /
- 37,2 vn- die sache / die ich hatte / oder han mohte / wider die ereberen frowen .. Die aptischinne /
- 37,3 vn- den Conuent des Closters ze Rotenmvinster / von des guotes wegen das si kovften / vmbe peter Crellen
- 37,4 den Langen / vn- vmbe Berhtolden von Balgehein / das lit ze Denkingen / durh der vor genanten Der ap/tischinne
- 37,5 vn- des Conuentes bette / luterliche / vn- willecliche han varn gelazen / vuir mich vn- vuir /
- 37,6 alle mine erben / vn- han mich verzigen / vuir mich / vn- vuir alle mine erben / alles rehtes / vn- aller anspra/che /
- 37,7 die ich dar vmbe an si / oder an das selbe guot hatte / von dekeinen sachen / vn- hant ovch die selben /
- 37,8 Dvi aptischinne / vn- der Conuent / durh got / vn- durh mine bette / mir gelobit / willecliche / das si / vn-
- 37,9 alle ir nachkomenden / min / vn- mines vatter seligen / Jargezit / iemerme began svin / mit ganzen /
- 37,10 dienisten / als in irem closter sitte / vn- gewanlich ist / ane alle geverde / Har viber ze einem vrkuinde /
- 37,11 vn- das dis stete belibe / han ich min Jngesigel an disen brief gehenket / Hie bi waren dise gezuige /
- 37,12 Bruoder Gottebolt von Bluomenberg / des ordins von sante Johannese / Her Johannes snewili / ein ritter
- 37,13 Her Burkart der Tvrner / von friburg / walthere preco von Costenze / vn- ander erber luite gnuoge /
- 37,14 Dirre brief wart gegeben ze friburg / in dem Jare / do man zalte von gottis gebuirte / zwelf hvndirt /
- 37,15 Nvinzig / vn- aht . Jar . in dem selben ahtoden Jare / an dem nehisten Mentage nach sante Gallen tage .
- 38,1 . allen die disen brief sehent / oder hoerent lesen / kvinde ich Cvonrat Grozresch / von Endingen / das ich das guot das hie geschriben /
- 38,2 stat / das ist ein Juchert ackers an dem wiler wege / vn- da bi ein zweiteil ackers vn- obe dem Mviliphade / ein zweiteil ackers /
- 38,3 vn- obe dem Crvizereine ein zweiteil ackers . vn- ze rehtin drie mannehowat Reben / vn- in witendal / ein halb Manewerch reben
- 38,4 vn- den hof vn- das gesesse / da ietz ich inne bin / das lit ze Endingen in der stat / in Totenkinzegen / vn- swas dar zvo hoeret /

- 38,5 han verkovfet /.. Den Dvirftigen des spittals des heiligen geistes ze friburg
/ vuir lidig fries eigen / mit allem rehte so dar zvo /
- 38,6 hoeret / vmbe vier schillinge / vn- sehzen phunt / phenninge / brisger /
vn- bin ich der ganzeliche von in gewert / vn- han ovch /
- 38,7 gelobit vuir mich / vn- vuir alle mine erben / der selben dvirftigen / vn- des
spittals / wer ze sinde / des vor genanten guotes alles / vuir /
- 38,8 lidig eigen / hinnan hin gegen allermeniglichem / ane allen iren schaden
/ vn- han ovch in das vor genante guot / vf gegeben lidig . vnde /
- 38,9 lere / vn- han es wider von in enphangen / ze rehtem erbe / mir / vn- minen
erben / ze hande / vn- ze niezende / vmbe sehs mutte /
- 38,10 weizen zinses / Jergeliche ze sante Martins mes / dem spittal ze gebende /
vn- swenne es sich endirt / so git man / ein halb phunt /
- 38,11 wahses ze erschazze / vn- swenne ich / oder mine erben das vor genante zil
versizzen / das wir den zins nvit geben ze dem selben
- 38,12 zil / oder dar nach in den nehisten ahte tagen / so sol das vor genante guot
alles / dem selben spittal lidig sin . ane alle geverde / Har /
- 38,13 viber ze einem vrkuinde / vn- das dis stete belibe . gib ich dem spittal /
disen brief mit des edelen herren / mines Herren Hern Hessen /
- 38,14 von vesenberg / Jngesigel besigelt / Jch Hesse herre vo- vesenberg / durh
bette des vor genanten / Cvonrates Beschen / han min Jngesigel an /
- 38,15 disen brief gehenket . Hie bi waren dise gezuige / Bruoder Burkart vo-
Crozzingen / Her walther villieb / Her wernher i me bovngar/ten .
- 38,16 Bruoder abreht von wuinnental / Morhart der alte / Cvenzi Resch . Der
wenger / Der Jvncherre / Cvenzi Buggenruitj / Ruodolf /
- 38,17 der sigeriste / salzebrot der alte / Burkart von Tvndelingen / Cvonrat weheli
/ vn- ander ereber luite gnuoge / Dirre brief wart /
- 38,18 gegeben ze Riegol / in dem Jare / do man zalte von gottis gebuirte / zwelf
hvndirt / Nvinzig / vn- Nvin / Jar / Jn dem selben Nvinden /
- 38,19 Jare / an sante Mathys abende / des zwelfbotten / in dem Hornvnge .
- 39,1 . allen die disen brief sehent / oder hoerent lesen / kuinden wir Goetfrit
von slezstat / Der Meister / vn- die bruoder phleger des
- 39,2 spittals des heiligen geistes ze friburg / das Her Heinrich ein priester dem
man spricht der probist / der in dem spittal /
- 39,3 singet / vns gab vuinftehalbe marke / silbers / da mitte haben wir gekovfet
zwene schillinge / vn- ein phunt phenninge /
- 39,4 brisger / geltes / vmbe die frowen von sante katherinen / an dem huses das
lit ze friburg in der stat neben hern huges
- 39,5 kuechelins hvse / vn- das gelt svin die phleger des spittals allewege ze
winnachten von dem selben huse nemen / vn- svin /
- 39,6 es dem vor genanten priester geben / die wile er lebit / vn- swenne er en ist
/ so ist das gelt dem spittal lidig /
- 39,7 also das man iemerme sin Jargezit da mitte sol began in dem spital / an
wine / git man aber den dvirftigen
- 39,8 win ane das / so sol man in wis brot geben vn- kovfen mit dem gelte / Har
viber ze einem vrkuinde ist dirre /
- 39,9 brief / mit minem Goetfrides von slezstat / vn- mit des spittals / Jngesigeln
besigelt / Hie bi waren dise gezuige /

39,10 Her Thoman ein priester / Bruoder Burkart von Crozzingen / Bruoder
Burkart Ederli / Bruoder Berhtolt der suter /
39,11 abreht der Brotbecke / Meier Luitolt von Hvstat / Her Cvonrat der steger
/ Burkart der vogit / vn- ander ereber /
39,12 luite gnuoge / Dirre brief wart gegeben / ze friburg / in dem Jare do man
zalte von gottis gebuirte / zwelf hvndirt /
39,13 Nvinzig / vn- Nvin / Jar / an dem nehisten zistage vor sante Gregorien tage
/

40,1 . allen die disen brief sehent / oder hoerent lesen / kuinden wir .. Dvi
Eptischinne / vn- der Conuent gemeinliche / des
40,2 Closters ze Gvinterstal / das Her Hvg von Mvnzingen / ein ritter von
friburg / dvi drvi phunt phenninge geltes /
40,3 dvi vns an hoerent / von sines bruoder seligen / Hern Ludewiges Jargezite
/ dvi der spittal des heiligen geistes ze friburg /
40,4 gab von dem orthvse das des Gisingers seligen des svters was / vn- lit ze
friburg / in der stat / an dem hvse ze der /
40,5 Gense / abe dem selben hvse het geleit vf sinen nidern hof ze Mershvsen /
vn- haben ovch wir das selbe gelt vf dem /
40,6 selben hove genamezet / vn- haben den selben spittal / vn- das vor genante
orthvs / des selben geltes lidig gelazen /
40,7 Har viber ze einem vrkuinde / haben wir vnser Der Eptischinne Jngesigel
an disen brief gehenket / Dirre brief /
40,8 wart gegeben ze Gvinterstal in dem Jare do man zalte von gottis gebuirte /
zwelf hvndirt / Nvinzig / vn- Nvin /
40,9 Jar / in dem selben Nvinden Jare / an der nehisten Mittechen nach sante
Gangolfes tage .

41,1 . allen die disen brief sehent / oder hoerent lesen / kuinde ich Hesse herre
von vesenberg / das ich mit den ereberen frowen .. Der Eptischinne
41,2 vn- dem Conuente des Closters ze wuinnendal / eines wehsele bin viberein
komen also hie nach geschriben stat / Jch han in gegeben / das
41,3 halbteil des hvses / vn- der Trotten / die ligent ze Endingen / neben der
selben frowen hove / das Cvenzins Buggenruitins seligen was /
41,4 vn- alles das ligende guot / das der selbe Cvenzi hatte / lideclieche / vn- alle
die guilte die man ime schuldig was / ane die guilte die min /
41,5 vetter Ruodolf von vesenberg / vn- Johannes Clinge von friburg / ime
schuldig waren / vn- hant die selben frowen mir dar vmbe gegeben
41,6 dvi drvi teil des hvses das lit ze Endingen an dem Markete / neben
Cvonzemannes des smides hvse / vn- han ich gelobit / vuir mich / vn-
41,7 vuir alle mine erben / den vor genanten frowen / ir . vn- aller ir
nachkomenden / wer ze sinde / des vor genanten guotes / vn- si ze
vuirstande /
41,8 an allen den stetten / da si es von des selben guotes wegen bedurfen / hinnan
hin gegen allermeniglichem / ane allen iren schaden / Jch han ovch
41,9 den selben frowen / vn- irem closter / das vor genante ligende guot / alles
das des selben Cvenzins was / vn- alles das ligende guot / das in von des

- 41,10 selben Cvenzins swester annen / worden ist . lidig . vn- fri gelazen iemerme
 / aller stuire / vn- alles gewerftes / das si mir / noch minen erben /
 41,11 niemer stuire noch gewerft / da von svin geben / vn- sol ovch dvi gemeinde
 ze Endingen niemer stuire / noch gewerft dar vf gelegen / ane
 41,12 alle geverde / were ovch das in das vor genante guot das des selben Cvenzins
 was / wurde abe gewonnen / so svin dvi vor genanten drvi teil /
 41,13 des vor genanten hvses / wider an si / vn- an ir closter vallen lidecliche /
 vn- sol in ovch der selben annen teil der guilte die die vor genanten
 41,14 min vetter / vn- Johannes Clinge / ir / vn- dem selben Cvenzin schuldig
 waren / werden / vn- hette ich aber der selben annen teil der /
 41,15 selben guilte / in genomen / den sol ich den selben frowen gelten / Har
 viber ze einem vrkvinde / vn- das dis stete belibe / ist dirre brief mit
 41,16 minem Jngesigel besigelt / Hie bi waren dise gezvige / pfaffe symunt / Hvg
 sin bruoder / Berhtolt Hertebein / Ruodolf der vnstete /
 41,17 Heinrich der Ruober / Cruscheli / wernher in dem Bovngarten /
 Cvonzeman der smit / Cvonrat Morhart / Bruoder abreht von Endingen
 . vn-
 41,18 ander ereber lvite gnuoge / Dis beschach / vn- wart dirre brief gegeben ze
 Endingen / in dem Jare do man zalte von gottis gebuirte /
 41,19 zwelf hvndirt / Nvinzig / vn- Nvin / Jar / in dem selben Nvinden Jare / an
 dem nehisten fritage / vor sante Johannes tage ze svinegihten /

 42,1 . wir grave Egen grave ze friburg / vn- ich Cvonrat sin svn / vn- wir der Rat
 vn- dui gemeinde / vn- die burger von friburg / tuon kunt allen den
 42,2 die disen brief sehent / oder hoerent lesen / das wir vmbe die missehelle
 die wir mit einander gehebit han / vuir vns / vn- vnser helfer / beidenthalb
 .
 42,3 vorslihtet vn- verrihtet sin / also hie nach geschriben stat . von erst sol
 vnser herre der kuinig albreht von Rome . die burger vs /
 42,4 der ahte lazen / Ovch sol er den burgern / vn- der stat ze friburg / ir reht
 wider geben / das er in genomen hatte mit vrteilde / Ovch sviln /
 42,5 wir grave Egen / vn- ich Cvonrat sin svn / zwene man nemen / vn- wir der
 Rat vn- die burger ze friburg / ovch zwene / vn- sviln die vier man /
 42,6 vnser clage vn- ansprache . die wir gegen einander haben / verhoeren / vn-
 sviln nach kuntlichen dingen / vn- nach warheit / ein reht dar viber /
 42,7 sprechen / vf iren eit den si dar viber tuon sviln / vn- swas die vier
 gemeinliche dar viber sprechent / oder drie vs den vieren / obe die vier
 /
 42,8 viberein nvit koemen / das sviln wir beidenthalb stete halten / ane widerrede
 / were aber das die vier sich zweieten / oder nvit sprechen wolten /
 42,9 oder nvit genemmet wurden / so sol vnser herre der kvinig / vnser clage /
 vn- ansprache / die wir gegen einander haben / verhoeren / vn- sol /
 42,10 nach kuntlichen dingen / vn- nach warheit / ein reht dar viber sprechen /
 vn- swas er dar viber sprichet / das sviln wir beidenthalb stete halten
 42,11 vn- vollevueren ane widerrede / vn- sol das geschehen zwiscent hie vn-
 winnahten / Die nv nehiste koment / Mag aber vnser herre der
 42,12 kvinig / oder die vier da enzwiscent / vns mit vnser beider willen / vn-
 wissende / berrihten / vn- verslihten mit minnen / das sviln wir ovch /

- 42,13 beidenthalb stete halten / vn- vollevueren / Ovch sol dvi clage die Dietheln
 des kneht von spizzenb'g was / getan het vf hern Johannesen /
 42,14 snewilin / ganzeliche / vn- gerwe abe sin / vn- sol man die brieve die viber
 die clage gegeben sint si sin alt / oder nuiwe / zerbrechen /
 42,15 also das si nieman dekein schade muigen sin / Jst ovch das dehein brief /
 von vnsers herren des kuiniges wegen / oder sines gerihtes . gegeben
 42,16 ist / viber die ahte da die burger von friburg in getan wurden / oder viber
 das / das den burgern / oder der stat ze friburg / ir reht geno'men /
 42,17 oder widerteilet wart / die brieve sol man ovch zerbrechen / also das si den
 burgern vn- der stat ze friburg har nach dekein /
 42,18 schade muigen sin / vn- dar vf haben wir beidersit / vuir vns / vn- vnser
 helfer / eine getruiwe svone genomen / vn- sviln die gevangen /
 42,19 beidersit los vn- lidig sin / vn- sweler gevangen wir grave Egen / vn- ich
 Cvonrat sin svn / gewaltig muigen sin / die sviln wir zehant
 42,20 lidigen / vn- lidig lazen / Dis selbe sviln wir die burger ovch tuon / sweler
 gevangen wir aber beidenthalb nvit gewaltig sin ietzent
 42,21 die sviln wir bi dem eide ane geverde lidigen / vn- lidig machen / so wir
 iemer erste muigen / vn- das dis stete / vn- vnzerbrochen /
 42,22 belibe das hie vor geschriben stat / so han wir grave Egen / vn- ich Cvonrat
 sin svn / vn- wir der Rat / vn- dui gemeinde . vn- die burg'
 42,23 von friburg / gesworn zvo den heiligen / das wir stete halten / vn-
 vollevueren ane geverde / alles das da vor geschriben stat / vn-
 42,24 haben beidenthalb ze einem vrkuinde / vn- ze einer stetegunge dis dinges
 / vnservi Jngesigel gehenket an disen brief / wir haben
 42,25 ovch gemeinliche gebetten / vnsern herren den kvinig albrehten von Rome
 / vn- vnsern herren den Bischof Heinrich von Costenze . vn- /
 42,26 vnsern herren appet Cvonrat von kemten / vn- Grave Eberharten von
 wirtenberg / das si irvi Jngesigel an disen brief henken / ze /
 42,27 vrkuinde / vn- ze stetegunge dirre sache / wir albreht von gottis gnaden
 Roemscher kvinig / vn- wir Heinrich von gottis gnaden /
 42,28 Bischof ze Costenze / vn- wir Cvonrat von gottis gnaden appet ze kempten
 / vn- wir grave Eberhart von wirtenberg / Durh /
 42,29 bette des vor genanten graven Egen / von friburg vn- Cvonrates sines svnes
 / vn- des Rates / vn- der burger gemeinliche von /
 42,30 friburg / haben vnservi Jngesigel gehenket an disen brief / Dis geschach /
 do man zalte von gottis gebuirte / Tvsent . zwej /
 42,31 hvndirt / Nvinzig / vn- in dem Nvinden / Jare dar nach / an dem nehisten
 samstage nach vnser frowen tage der Jvngern /

 43,1 . allen die disen brief sehent / oder hoerent lesen / kuinde ich katherine
 Hern Tvischelins seligen tohter
 43,2 das ich han gegeben lidecliche / min hvs das gelegen ist ze friburg / in der
 gassun vor der Bredier /
 43,3 kilchove / an der wibelerin hus / vn- einen halben teil / ane ein zehende teil
 / an dem berge ze Riest'n
 43,4 Den drin Jungfrowen / von Mvnzingen / agnesen / katherinen / vn-
 werndrute / vnuerscheidenliche / also

- 43,5 so ir einvi / stirbet so sol das selbe guot / den zwein beliben / so zwo tot
sint / so sol es doch gerwe
- 43,6 der drittun beliben / vn- han das selbe guot alles wider enphangen von in
/ vmbe einen schilling
- 43,7 phenninge brisger / zinses / den ich in geben sol / Jergeliche ze sante
Martins mes / die wile ich lebe /
- 43,8 vn- swenne ich erstirbe / so ist in das selbe guot lidig / Har viber ze einem
vrkuinde so haben wir /
- 43,9 gebetten beidenthalb / disen brief besigeln mit der Burger von friburg
Jngesigele / Hie bi waren /
- 43,10 dise gezuige / Her Heinrich kilcherre von Merdingen / Her Heinrich
kilcherre von wilhein / Her Joha-/nes
- 43,11 kilcherre von wile / Meister Heinrich der Merdinger / Her Johannes snewili
/ Her Cvonrat /
- 43,12 kozze / Her Johannes von Mvnzingen / ritter / Jo / snewili / Cvenzi von
Mvnzingen / vn- ander luite
- 43,13 gnuoge / Dis beschach / do man zalte von gottis gebuirte / zwelf hvndirt /
Nvinzig / vn- Nvin /
- 43,14 Jar / in dem selben Nvinden Jare / an dem nehisten zistage / nach sante
andres tage des zwelfbotten /
- 44,1 . wir .. Der schultheize / vn- Die vier vn- zwenzig / vn- Der Rat vn- Die
Burger gemeinliche von friburg / tuon kunt allen die disen brief /
- 44,2 sehent oder hoerent lesen / nv oder hie nach / das vmbe soliche missehelle
/ vn- bresten so wir hatten / zvo vnsern herren Graven Egen vo- friburg /
- 44,3 vn- Graven Cvonrat sinem svne / das wir dar vmbe guetliche / vn-
willeclliche / viberein sin komen mit in / also hie nach geschriben stat /
wir haben
- 44,4 es gesezzet / an Hern Dietrich von Tviselingen / an Hern Egenolf kuechelin
/ an hern Johannes snewilin / vn- an Goetfriden von slezstat / vn- an
- 44,5 hern Bvrkart den wissen peger / an hern Berhtolt den sermizer / vo-
Nuiwenburg / vn- an hern Jacoben sinen bruoder / Den siblen sviln vnser
vor ge/nanten
- 44,6 herren / ir vorderunge sagen / vn- iren bresten / vn- sviln ovch wir vnsern
bresten vn- vnser anewuirte in sagen / vn- sviln denne die siblen /
- 44,7 gewalt han dar viber ze sprechende / was si dunket bi irem eide den si dar
vmbe getan hant / was wir vnsern herren dar vmbe tuon sviln / was /
- 44,8 si ovch vnser herren heizent / das si vns tuon sviln / des sviln ovch si
gehorsan sin / vn- es stete han / Die vor genanten siblen / hant ovch gesworn
das
- 44,9 si vns slihten sviln / nvit nach rehte / wan also si es verstant vf iren eit /
nach vnser beider rede / vn- swie si das sezzent vn- verrihtent / also /
- 44,10 sviln wir es ze beiden siten stete han / si en sviln ovch deheine lieb / noch
deheine vientschaft sich lan irren / si en sehen vnser beider notdurft an /
- 44,11 also swes wir ze beiden siten bedurften / vn- si dunket das es ze einer stetekeit
ewecliche / vns / vn- vnsern nachkomenden nvizze si / si hant
- 44,12 ovch in selben in den eit genomen swas si da tuont vn- heizent tuon / das
si das also heizen sviln ze beiden siten also ob es si selbe an gienge / das

- 44,13 si das in selben teten / vn- nvit anders / vf den eit / swes ovch die selben
siben viberein koment / oder der mereteil vnder in / das sviln wir /
- 44,14 stete han ze beiden siten / swas si ovch dar viber heizent sicherheit tuon /
die sviln wir tuon / also das es stete belibe / also das wir vn- vnser /
- 44,15 nachkomenden ze beiden siten / sicherliche / bi einander beliben / vnser
herren in irem rehte / vn- wir vn- dvi stat ze friburg / in vnserm rehte /
- 44,16 vn- vnser ietweder siner eren / vn- sines guotes vor dem andern / ane angest
si als es die siben sezzent vn- machent / vn- das sviln wir be†etigen
- 44,17 ze beiden siten als vns die siben heizent / Dis haben wir die burger / vn-
dvi gemeinde von friburg gesworn stete ze hande / vn- /
- 44,18 ze leistende / vn- hant ovch vnser vor genanten herren grave Egen / vn-
grave Cvonrat sin svn / gesworn es stete ze hande / vn- ze leistende / vuir
sich /
- 44,19 vn- vuir alle ir helfer / also were dehein ir diener / die von friburg vs vuoren
die hant si alle viber sich genomen / were aber deheiner vnder /
- 44,20 den die da vs vuoren / die in des vngehorsam wolten sin / wider die sviln si
vns beholfen sin / vf dise svone so haben wir ze beiden siten lidig
- 44,21 gelazen / dvi reht dvi wir an vnsern herren // Den kvinig gesezzet hatten /
vn- verziehen vns des vrteildes vn- des rehtes / das er vns dar viber
- 44,22 sprechen solte / vn- sviln die vor genanten siben dis ding verrihten / vn-
enden / hinnan ze der Liehtmes so nv nehiste kumet / were ovch /
- 44,23 das si vit des liezen vnder wegen / also das si nvit en rihten / des wir oder
vnser herren gegen einander bedoerften / des sviln die selben /
- 44,24 siben / gewaltig sin ze slihtende in allem dem rehte / alse das ander das da
vor geschriben stat bi dem selben eide / in disem nehisten Jare /
- 44,25 were ovch das der vor genanten siben deheiner sturbe / . e- das dis ding
verrihtet wurde / so sviln die andern sehse einen andern alse /
- 44,26 guoten alse si dunket / an des stat nemen bi irem eide / ane alle geverde .
Har viber ze einem vrkuinde / vn- das dis stete belibe / haben wir /
- 44,27 Der schultheize / vn- die vier vn- zwenzig / vn- der Rat vn- die burger
gemeinliche von friburg / vnser Jngesigel an disen brief gehenket /
- 44,28 Dis beschach ze friburg / do man zalte von gottis gebuirte zwelf hvndirt .
Nvinzig / vn- Nvin Jar . in dem selben Nvinden Jare / an dem /
- 44,29 nehisten samstage vor sante Thomannes tage des zwelfbotten .
- 45,1 . alle die disen brief sehent / oder hoerent lesen / die svin wissen das Her
Ruodolf der Loeffeler / der brotpecke / vo- friburg
- 45,2 het gelvihen / sine Mvili dvi lit vnder dem berge / vnder sante Johanneser
Mvili allernehiste / an dem alten Rvnse / da der /
- 45,3 bach vf dem Rvnse gat / vn- den garten der lit / oberthalb den Bluiwelan /
vn- den Brotbank der lit ze friburg vnder der /
- 45,4 obern brotlovben / an dem orte in denan / gegen der salzgassin / vn- swas
zvo der selben Mvili / vn- zvo dem banke / vn- zvo dem /
- 45,5 garten / hoeret / mit allem rehte so dar zvo hoeret / vn- das der selbe garte
/ vf der almeinde stat / fron adelheide der /
- 45,6 werderin / Cvonrates des werders des Mvillers seligen wirtinne / vn- iren
erben / ze rechtem erbe / ze hande vn- ze niezende /

- 45,7 vmbe zehen mutte weizen / vn- zehen mutte roggen / bi dem besten / vn-
vmbe vier phunt phennige / brisger / vier /
- 45,8 schillinge minre / zinses / Jergeliche / das korn ze iegelicher fronevasten /
vuinf mutte weizen / vn- roggen / vn- die phen'ninge /
- 45,9 halbe / ze svinegihten / vn- halbe ze winnahten / dem vor genanten hern
Ruodolfe / vn- sinen erben / da von ze gebende /
- 45,10 vn- swenne das selbe erbe sich endirt so git man zwene kappen ze erschazze
/ vn- sol der hof vor der vor genanten mvili /
- 45,11 zvo der selben mvili / vn- zvo dem andern guote das der selbe her Ruodolf
noch da het / hoeren gemeinliche / vn- sol man die brugga /
- 45,12 gemeinliche / von der Mvili / vn- von dem andern guote / alle / machen /
vn- bruchen / vn- beschach dis alse hie vor geschriben /
- 45,13 stat mit vrteilde / in dem rate ze friburg / da seiten des vor genanten hern
Ruodolfes kinder / Margreten / Claren / vn- annen /
- 45,14 nehisten mage von vatter vn- von muoter / vf iren eit / Heinrich
Minrenbach / vn- Cvonrat der Rosser / das es den selben kinden /
- 45,15 besser were getan denne vermitteln / Har viber ze einem vrkuinde / ist dirre
brief mit der stette ze friburg / Jngesigel be'sigelt /
- 45,16 Hie bi waren dise gezuige / Her Goetfrit von Herdern / Her Cvonrat vn-
her Johannes snewilin / Her Johannes von /
- 45,17 Mvnzingen / in der Nuiwenburg / Her Heinrich sin bruoder / ritter / Her
Goetfrit von slezstat / Her wernher der zimberman /
- 45,18 Johannes der Hentschuohar / Peter von Hvsen / Johannes spittal / Cvonrat
der gessler / Burkart der werder / vn- ander ere'ber
- 45,19 luite gnuoge / Dis beschach in dem Jare do man zalte von gottis geburte /
Drvizehen hvndirt Jar / an dem nehisten /
- 45,20 Mentage nach vnser frowen tage ze der Lichtmes .
- 46,1 . allen die disen brief sehent / oder hoerent lesen / die svin wissen das
Heinzi vn- Johannes / Heinriches zvnes seligen
- 46,2 kint / mit Johannes stuimppellins ires salmannes / hant / vn- willen / die
erbeschafft / die si hatten an dem hvse das
- 46,3 lit in der stat ze friburg / an dem hvse ze dem swerte / inderthalb / gegen
dem Loebelin ze der winden / hant ge'geben /
- 46,4 mit allem rehte das si dar an hatten / Den Duirftigen des spittals des
heiligen geistes ze friburg / vn- /
- 46,5 sol man dar vmbe / den selben kinden / in dem selben spittal / ir notdurft
geben / dem eltern hinnan ze den /
- 46,6 osteran / die nv nehiste / koment / vn- dem Jvngern / vnze den selben
osteran / vn- dar nach dvi nehisten /
- 46,7 vier Jar / vn- beschach dis ze friburg / vnder der Rihtelovben / an offenem
gerichte mit vrteilde / da seite /
- 46,8 der vor genante der kinde salman / vf sinen eit / vn- duhte ovch ander luite
die da waren / das es den selben .
- 46,9 kinden besser were getan denne vermitteln / Har viber ze einem vrkuinde /
ist dirre brief mit der stette /
- 46,10 ze friburg / Jngesigel besigelt / Hie bi waren dise gezuige / Her Cvonrat
von Tviselingen / der schultheize /

- 46,11 Her Cvonrat kuecheli / Her Johannes von Mvnzingen / Her Burkart
Meinwart / ritter / Her Goetfrit von /
46,12 slezstat / Der strovfer / Lvitfrit dvi welt / Her Johannes der waldener /
Johannes Beiging / Berhtolt
46,13 stazze / Her wernher der zimberman / Her Heinrich zenli / Heinrich der
smit bi Norsinger tor Johan-es
46,14 vo- zeringen der stocwerter / Johannes stuimppeli / Heinrich schefing /
Berhtolt harz / Bruoder Burkart
46,15 von Crozzingen / vn- ander ereber luite gnuoge / Dis beschach / vn- wart
dirre brief gegeben ze /
46,16 friburg in dem Jare do man zalte von gottis gebuirte / Drvizehen hvndirt /
Jar / an dem nehisten Menta/ge
46,17 nach sante Johannes tage des tofers / ze svinegihten .